



e-mail: xxi_asr@umail.uz



3-DEKABR
2020-YIL
46-47 (888-889)

web sayt: www.21asr.uz

@XXIasrofficial

Хар бир оила – тадбиркор

Йилнинг тўрт фаслида ҳам юртимизнинг исталган гўшасига борсангиз, бозорлар ободлиги, тўкинчилиги ўз йўлига, лекин аксарият хонадонлардаги томорқанинг бир четига бўлса-да, қишдаям нимадир экиб қўйилганига гувоҳ бўласиз. Халқимиз энди-энди ўз ҳовлисидаги бир парча ернинг даромад, қут-барака манбаи эканлигини англаб етмоқда.



Қут-барака – томорқада

Ўзбекистон фермер, деҳқон хўжаликлари ва томорқа ер эгалари кенгаши O'zLiDeP Жиззах вилоят Кенгаши билан ҳамкорликда Зомин ва Шароф Рашидов туманларида амалий семинарлар ташкил этди.

лаштириш, уруғ ва кўчат етказиб бериш, самарали иш тажрибаларини оммалаштириш масалалари муҳокама қилинди.

Зомин туманидаги Оқтепа маҳалласида яшовчи Ғайрат Абдураимов ҳовлисида ташриф давомида озиқ-овқат таъминотида аҳоли томорқаларидан унумли фойдаланиш қанчалик муҳимлиги яна бир қарра аён бўлди. Маълумотларга

сослашиш, икки ва уч марта ҳосил олишни йўлга қўйиш бўйича чора-тадбирлар амалга оширилмоқда. Қишлоқ хўжалиги маҳсулотларини “Даладан дўконгача” тамойили асосида арзон нархларда истеъмолчиларга етказиб бериш мақсадида “Навой”, “Ўзбекистон”, “Қўрғон”, “Ғаллакор” МФЙларида жами 9 та энгил конструкцияли дўкон ва кичик ҳажмдаги музлаткич омборлари қуриладиган бўлди.

Шароф Рашидов туманидаги “Холмўминов Зоҳид” фермер хўжалиги далаларида давом этган семинарда эса ернинг ҳар бир қаричидан унумли фойдаланиш тажрибаси бевосита фермер хўжалиги раҳбари, O'zLiDeP фаоли, халқ депутатлари туман Кенгаши депутати Шарофат Нориева фаолияти мисолида кўриб чиқилди. Гулчилик, эчкичилик, қўйчилик, товўқчилик, қуёнчилик ва бошқа соҳалар йўлга қўйилган фермер хўжалигида пандемия шароитида аҳолига ёрдам бериш мақсадида “Олмачи шунқорлари” ишлаб чиқариш кооперативи ташкил этилди. Айти пайтда 17 гектардан ошиқроқ майдонда 55 киши 10 дан ошиқ экин турларини парваришламоқда.

Семинар сўнггида муҳокама қилинган масалалар ижросини таъминлашда ўзаро ҳамкорликни йўлга қўйиш, томорқачиликни ривожлантириш борасида ёрдам сўраб қилинган ҳар бир мурожатни эътибордан четда қолдирмаслик борасида аниқ чора-тадбирлар келишиб олинди.

O'zLiDeP Жиззах вилоят Кенгаши матбуот хизмати



Олий Мажлис Қонунчилик палатаси Спикери ўринбосари, O'zLiDeP фракцияси раҳбари, партия Сийёсий Кенгаши Ижроия қўмитаси раиси Актам Хаитов ва маҳаллий мутасаддилар қатнашган тадбирларда тўқсонбости экинларни экиш, аҳоли томорқаларида иссиқхоналар қуришни жадал-

қараганда, туманда 334,3 гектар томорқага тўқсонбости усулида сабзавотлар экилиши белгиланган, айти пайтгача 181,5 гектар майдонга экиб бўлинган. 128,8 гектарга пиёз ва саримсоқпиёз экилган. Аҳоли томорқаларида 41 та 1-1,5 сотихлик ихчам иссиқхоналар қуриб битказилган. “Бир маҳалла – бир маҳсулот” тамойили асосида ихти-

УШБУ СОНДА

Ўзбекистонда 2021 йилда

қайси соҳага қанча маблағ ажратилади? **2**

КОНСТИТУЦИЯ:

инсон – ҳаёт гултожи **3**

“Ёшлар қаноти” конференцияси

ёшларга нима беради? **4-5**

Тадбиркорнинг

ТИЛИНИ ТОПИШ ОСОНМИ? **6**

Пул ва бозор,

банк фоизидан озор **11**

Ҳоким фермерни ҳақорат қилса...

дардини ким эшитади? **13**

Тошкентдаги товламачилар

мижозларини қачонгача хўрлайди? **15**

“XXI ASR”

газетасига
2021 йил учун
обуна давом
этмоқда!

Обуна индекси – 406
Мурожат учун
телефон:
71 255 68 50.

Ўзбекистонда 2021 йилда қайси соҳага қанча маблағ ажратилади?



Олий Мажлис Қонунчилик палатасидаги О'зЛиДеР фракциясининг видеоконференцалоқа тарзидаги навбатдаги йиғилиши бўлиб ўтди. Йиғилишда дастлаб "2021 йил учун Ўзбекистон Республикасининг давлат бюджети тўғрисида"ги қонун лойиҳаси муҳокама қилинди. Депутатлар томонидан иккинчи ўқишда кўриб чиқилган мазкур ҳужжатда бир қатор аниқликлар ўрин олган. Энг муҳими, қайси соҳага қанча маблағ ажратилгани, соҳагагина эмас, қайси идорага қанча берилиши ва нимага сарфланиши ошкор қилинмоқда. Таклиф этилаётган ҳужжатда 2021 йил учун Ўзбекистон Республикаси консолидациялашган бюджетининг жамланма параметрлари ва 2022-2023 йилларга бюджет мўлжаллари, келгуси йил учун республика бюджети даромадлари прогнози, давлат мақсадли жамғармалари, Ўзбекистон Республикаси Тикланиш ва тараққиёт жамғармасининг даромадлари прогнози ҳамда уларнинг харажатлари белгиланмоқда.



Шухрат БАФАЕВ,
Олий Мажлис Қонунчилик
палатаси депутати,
О'зЛиДеР фракцияси аъзоси:

– Муҳокамалар давомида бюджет харажатлари очик-ошкора бўлиши, давлат идоралари, ҳудудлар унинг ҳар бир сўмини оқилона, тизимли равишда сарфлаши зарурлиги таъкидланиб, бюджетдан маблағ олувчи ташкилотларда молиявий интизомга риоя этилиши юзасидан назоратни янада кучайтириш бўйича бир қатор таклиф ва тавсиялар берилди.

Лойиҳада ўз аксини топган параметрларнинг тўлақонли бажарилиши нафақат иқтисодиётимиз, балки жамиятимиз ҳаётида ижобий ўзгаришлар юз бериши учун муҳим замин яратади.

Депутатлар қонун лойиҳасини модда-модда кўриб чиққан ҳолда, мазкур масала юзасидан ўз таклифларини берди ва уни иккинчи ўқишда қабул қилишди.

Йиғилишда "Ўзбекистон Республикасининг бюджет жараёни такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги қонун лойиҳаси ҳам кўриб чиқилди.



Дилором ФАЙЗИЕВА,
Олий Мажлис Қонунчилик палатаси
депутати, О'зЛиДеР фракцияси аъзоси:

– 6 та моддадан иборат қонун лойиҳаси Маъмурий жавобгарлик тўғрисидаги кодекс, "Ўзбекистон Республикасининг Маҳаллий давлат ҳокимияти тўғрисида"ги қонун, Бюджет кодекси ва "Ўзбекистон Республикасининг Бухгалтерия ҳисоби тўғрисида"ги қонунга тегишли ўзгартиш ва қўшимчалар киритишни назарда тутди. Эътиборли жиҳати, қонун лойиҳасининг қабул қилиниши Ўзбекистон Республикаси

давлат молиясини бошқариш тизимини такомиллаштириш стратегиясини амалга ошириш жараёнининг норматив-ҳуқуқий асосларини яратиш имконини беради.

Фракция аъзолари партиянинг мақсад-вазифаларидан келиб чиқиб, лойиҳани янада такомиллаштириш юзасидан ўз фикр-мулоҳазаларини билдирди ва қонун лойиҳасини маъқуллади.

Йиғилишда "2021 йил учун солиқ сиёсатининг асосий йўналишлари қабул қилиниши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги қонун лойиҳаси ҳам қизгин баҳс-мунозараларга сабаб бўлди.



Фахриддин САМАТОВ,
Олий Мажлис Қонунчилик
палатаси депутати,
О'зЛиДеР фракцияси аъзоси:

– Мазкур ҳужжат 2021 йилга мўлжалланган солиқ сиёсатининг асосий йўналишлари асосида ишлаб чиқилган бўлиб, Ўзбекистон Республикаси Солиқ кодексига ўзгартиш ва қўшимчалар киритишни назарда тутди.

Асосий мақсади – 2021 йилги солиқ сиёсатини такомиллаштириш, шунингдек, маҳаллий ишлаб чиқарувчиларнинг рақобатбардошлигини ошириш, мавжуд тизимли муаммоларни бартараф этиш, солиқ маъмуричилиги самарадорлигини янада ошириш ва бюджетга солиқларнинг тўлиқ тушумини таъминлашдан иборат.

Ҳужжатнинг қабул қилиниши натижасида солиқ мажбуриятларининг бажарилиши бўйича тегишли ҳуқуқий муносабатлар аниқ белгилаб қўйилади. Ўз навбатида, маҳаллий бюджетга қўшимча даромад тушишига сабаб бўлади.

Савол-жавоблар ва муҳокамалардан сўнг депутатлар қонун лойиҳаси юзасидан ўз таклифларини билдирган ҳолда, ушбу ҳужжатни биринчи ўқишда қўллаб-қувватлади.

Ҳаммамиз яхши биламиз, "Давлат божи тўғрисида"ги қонун давлат божини белгилаш, ундириш, уни қайтариш ва тўлашдан озод қилиш соҳасидаги муносабатларни тартибга солиди. Лекин ҳозирги давр мазкур ҳужжатга ўзгартишлар киритишни тақозо этмоқда.

Шу боис, кун тартибидаги кейинги масала – "Давлат божи тўғрисида"ги Ўзбекистон Республикаси Қонунига ўзгартишлар киритиш ҳақида"ги қонун лойиҳаси бўлди.

Президентимизнинг 2020 йил 1 июлдаги "Бўш турган объектлардан самарали фойдаланишни ташкил этиш ва ахборот-коммуникация технологияларини кенг жорий этиш чора-тадбирлари тўғрисида"ги қарорида Давлат активларини бошқариш агентлиги

ҳузуридаги Бўш турган объектлардан самарали фойдаланишни ташкил этиш маркази ва унинг ҳудудий бошқармалари зиммасига юклатилган вазифалар юзасидан судларга киритиладиган даъволар ва аризалар бўйича давлат божи тўлашдан озод қилиш тўғрисида қонун ҳужжатларига ўзгартиш киритиш белгиланган. Таклиф этилаётган лойиҳа билан "Давлат божи тўғрисида"ги қонунга бир қатор ўзгартишлар киритилмоқда.

Баҳс-мунозара, қизгин муҳокамалардан кейин мазкур қонун соҳада юзага келаётган муаммолар ечимига хизмат қилиши айтилиб, концептуал жиҳатдан қўллаб-қувватланди.

Фракция йиғилишида "Қимматли қоғозлар бозори тўғрисида"ги Ўзбекистон Республикаси Қонунига ўзгартишлар киритиш ҳақида"ги қонун лойиҳасининг муҳокамаси ҳам қизгин кечди.



Қаҳрамон ЭРГАШЕВ,
Олий Мажлис Қонунчилик
палатаси депутати,
О'зЛиДеР фракцияси аъзоси:

– Давлатимиз раҳбарининг 2019 йил 24 январдаги "Ўзбекистон Республикаси капитал бозорини ривожлантириш агентлиги фаолиятини ташкил этиш тўғрисида"ги қарорида кўзда тутилган кўрсатмаларни бажариш мақсадида ишлаб чиқилган ушбу ҳужжат Капитал бозорини ривожлантиришни қўллаб-қувватлаш жамғармасига қимматли қоғозларнинг номинал қийматини оширишда қимматли қоғозлар чиқарилишини давлат рўйхатидан ўтказиш учун йиғимлар йиғиб олиш йўли билан Капитал бозорини ривожлантириш агентлигининг институционал салоҳиятини кучайтиришга қаратилган.

Амалдаги қонунчиликка мувофиқ, эмиссиявий қимматли қоғозларнинг дастлабки чиқарилишини давлат рўйхатидан ўтказишда эмитент республика бюджетига ушбу эмиссиявий қимматли қоғозларнинг номинал қийматидан 0,01 фоиз миқдорда ҳақ тўлайди. Агар илгари рўйхатдан ўтказилган эмиссиявий қимматли қоғозларнинг номинал қиймати ошса, эмитент республика бюджетига эмиссиявий қимматли қоғозларининг номинал қиймати ошган сумманинг 0,01 фоизи миқдорда йиғим тўлайди.

Лойиҳада Капитал бозорини ривожлантириш агентлиги ҳузуридаги бюджетдан ташқари капитал бозорини ривожлантиришга қўмаклашиш фондида маблағлар ўтказилиши кўзда тутилган бўлиб, ушбу тўловлардан тушган маблағлар Вазирлар Маҳкамасининг 2019 йилдаги "Ўзбекистон Республикаси капитал бозорини ривожлантириш агентлиги ва Ўзбекистон Республикаси капитал бозорини ривожлантириш агентлиги ҳузуридаги капитал бозорини ривожлантиришга қўмаклашиш жамғармаси тўғрисидаги низомларни тасдиқлаш ҳақида"ги қарори билан белгиланган мақсадларда фойдаланилиши белгиланмоқда.

Шу жиҳатдан депутатлар қонун лойиҳасининг қабул қилиниши юқоридаги фармон ижросини, шунингдек, Агентликнинг институционал салоҳиятини ва моддий-техник таъминотини ривожлантириш учун имконият яратилишини инobatга олиб, уни биринчи ўқишда маъқуллади.

Йиғилишда фракция ваколатига тааллуқли бошқа масалалар ҳам кўриб чиқилиб, тегишли қарорлар қабул қилинди.

Нурхон ЭЛМИРЗАЕВА,
"XXI asr" мухбири

КОНСТИТУЦИЯ:

ИНСОН – ҲАЁТ ГУЛТОЖИ

■ Ҳар бир инсон, ҳар бир жамият келажакка умид қилиб яшайди. Ўзи мансуб жамиятнинг, давлатнинг ҳуқуқий пойдеворини мустаҳкам қуришга ҳаракат қилади. Шу нуқтаи назардан, Ўзбекистон Республикасининг Конституцияси мамлакатимизда ривожланган замонавий давлат, адолатли тузум барпо этишда муҳим омил бўлмоқда.

Конституциямиз қабул қилинганидан буён ўтган 28 йиллик давр мобайнида унда акс эттирилган барча қоидалар, ҳуқуқий нормалар фуқароларимизнинг ҳаётида яққол ўз ифодасини топмоқда.

Табиийки, ҳар қандай давлатнинг юзи, обрў-эътибори унинг Конституцияси ҳисобланади. Зотан, донишмандлар қайд этганларидек, Конституция давлатни давлат, миллатни миллат сифатида дунёга танитадиган бош ҳужжатдир. Шу маънода Асосий қонунимиз халқимизнинг иродасини, руҳиятини, ижтимоий онги ва маданиятини акс эттиради, чунки уни ишлаб чиқиш ва муҳокама этишда бутун халқ иштирок этди. Бир сўз билан айтганда, қомусимиз том маънода халқимиз тафаккури ва ижодининг маҳсулидир.

Ҳар бир инсон, унинг ҳаёти, эрки, шаъни, қадр-қиммати ва бошқа ҳуқуқ ҳамда эркинликлари муқаддас ва давлат ҳимоясига олинган. Шуни ҳисобга олган ҳолда, бу муҳим ҳужжатнинг барча моддалари, энг аввало, инсон ҳуқуқ ва эркинликларини ҳимоя қилишга бағишланган.

Жумладан, Конституциянинг 13-моддасига мувофиқ


Ўзбекистон Республикасида демократия умуминсоний принципларга асосланади, уларга кўра инсон, унинг ҳаёти, эркинлиги, шаъни, қадр-қиммати ва бошқа дахлсиз ҳуқуқлари олий қадрият ҳисобланади.

Ҳеч муболағасиз айтиш мумкинки, инсонни улуғлаш, уни муҳофаза қилиш ва ҳар томонлама камол топтириш ҳамда олий қадрият сифатида белгилаш Конституциямизнинг асосий госядир.

Конституциямизда белги-ланган нормаларга ҳамоҳанг ҳолда ўтган даврда инсон ҳуқуқлари бўйича миллий институтларнинг яхлит тизими яратилди. Бу борада таълимнинг узлуксиз тизими барпо этилди. Инсон ҳуқуқларини таъминлаш бўйича мониторинг олиб бориш тизими ишлаб чиқилди. Инсон ҳуқуқларини таъминлашнинг нодавлат тизими, фуқаролик жамияти институтлари фаол ривожлантирилди ҳамда бу соҳада самарали халқаро ҳамкорлик йўлга қўйилди.

Конституциявий ҳуқуқ тараққиётимизнинг яна бир муҳим жиҳати давлатимиз ривожланишида инсонпарварлик тамойиллари тобора мустаҳкамланиб, жиноий жазоларни либераллаштириш, ижтимоий адолат, жазонинг муқаррарлигини таъминлаш борасида салмоқли ютуқларга эришилмоқда.

Бу борада мамлакатимизда олиб борилаётган суд-ҳуқуқ ислохотлари инсон ҳуқуқларини таъминлашнинг муҳим кафолати сифатида хизмат қилаётир. Хусусан, Ўзбекистон Президентининг 2016 йил 21 октябрдаги “Суд-ҳуқуқ тизими-



ни янада ислох қилиш, фуқароларнинг ҳуқуқ ва эркинликларини ишончли ҳимоя қилиш кафолатларини кучайтириш чора-тадбирлари тўғрисида” ҳамда 2017 йил 21 февралдаги “Ўзбекистон Республикаси суд тизими тузилмасини тубдан такомиллаштириш ва фаолияти самарадорлигини ошириш чора-тадбирлари тўғрисида”ги фармонлари ҳамда 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси асосида 2017 йил 6 апрель ва 31 майда Ўзбекистон Республикасининг Конституциясига ўзгартиш ва қўшимчалар киритишга оид қонунлар қабул қилинди.

Инсон ҳуқуқлари соҳасидаги ислохотларнинг тадрижий давоми сифатида Ўзбекистон Республикаси Президентининг 2020 йил 22 июндаги “Инсон ҳуқуқлари бўйича Ўзбекистон Республикасининг миллий стратегиясини тасдиқлаш тўғрисида”ги фармони билан

Инсон ҳуқуқлари бўйича Ўзбекистон Республикасининг миллий стратегияси тасдиқланди.

Ушбу ҳужжатнинг қабул қилиниши соҳани янги босқичга олиб чиқишда муҳим аҳамият касб этмоқда. Жумладан, у юртимизда инсон ҳуқуқлари ва эркинликларига ҳурмат муносабати шаклланишига, мамлакатнинг халқаро майдондаги обрўси янада мустаҳкамланишига хизмат қилади. Фармоннинг инсон ҳуқуқини таъминлаш орқали халқимизнинг турмуш даражаси ва фаровонлигини оширишга қаратилган қатор чора-тадбирлар мажмуидан иборат эканлиги мамлакатимиз инсон ҳуқуқлари соҳасидаги қадриятларга қанчалик даражада содиқ эканлигини яна бир бор исботлайди.

2018 йил ноябрь ойида Самарқандда бўлиб ўтган Инсон ҳуқуқлари умумжаҳон декларацияси қабул қилинганлигининг 70 йиллигига бағишланган Инсон ҳуқуқлари бўйича Осиё форуми ҳам қитъада инсон

ҳуқуқларини ҳимоя қилишнинг мавжуд механизмларини такомиллаштириш ва янги механизмларини яратиш ҳамда инсон ҳуқуқлари бўйича миллий институтлар ўртасидаги ҳамкорликни таъминлаш бўйича амалий тавсиялар ишлаб чиқишга қаратилди. Мазкур анжуман давомида Инсон ҳуқуқлари бўйича Самарқанд декларацияси қабул қилинди ва у БМТ Бош ассамблеясининг 73-сессияси ҳужжати сифатида тасдиқланди.

Шунингдек, инсон ҳуқуқ ва эркинликларини ҳимоя қилишни таъминлаш, аҳоли фаровонлигини ошириш, фуқароларнинг ҳаётий муаммо ва эҳтиёжларини ҳал этиш, жамиятда қонун устуворлиги, қонунийлик ва адолат, мамлакатимизда тинчлик-осойишталик, миллатлараро ва фуқаролараро тотувликни қарор топтириш мақсадида давлат органларининг аҳоли билан очик, тўғридан-тўғри мулоқоти йўлга қўйилди.

Мухтасар айтганда, инсон ҳуқуқларига оид халқаро принцип ва стандартларни ўзида мужассам этган Ўзбекистон Республикаси Конституциясининг нормалари ва принциплари мамлакатимизда “ҳаётнинг гултожи” сифатида кенг улуғланадиган ва юксак эъзозланадиган инсон манфаатлари ва ҳуқуқларини таъминлаш ҳамда ҳимоя қилишнинг барқарор ҳуқуқий асоси бўлиб хизмат қилмоқда.

Саодат МУҲАМЕДОВА,
Шоҳрух МАЖИДОВ,
Ўзбекистон Республикаси
Конституциявий суди
ҳодимлари

Оила ва ёшларга ғамхўрликнинг ҳуқуқий кафолати

■ Ҳар бир давлатнинг мустақиллиги ва суверенитетининг ҳуқуқий кафолати сифатида муайян ҳуқуқий ҳужжатлар қабул қилинади ва улар ўз ўрнида шу давлатлар учун ўзига хос олий қадрият, гурур ва ифтихор белгисига айланади. Ўзбекистон Республикаси учун ҳам ана шундай қадрият ва ардоқли, давлат суверенитети ва мустақиллигининг кафолати ва ҳуқуқий асоси бу – Конституциядир.

Асосий қонунимиз бевосита мамлакат ҳаётидаги барча ижтимоий-иқтисодий-сиёсий муносабатларни ҳуқуқий тартибга солувчи энг муҳим нормаларни ўзида ифода эттирувчи олий юридик кучга эга ҳужжат бўлиб, унда белгиланган

қоидалар бошқа қонун ҳужжатларидаги қоида ва нормаларга нисбатан устуворлик тусига эга бўлади. Шу билан бирга, жамият ва шахс, давлат ва жамият, давлат ва шахс ўртасидаги муносабатларнинг ҳуқуқий асосларини ҳам мустаҳкамлайди. Халқ

ҳокимиятчилиги давлат ҳокимиятининг асосий ва бирдан бир манбаи эканлигини белгилайди.

Жорий йил 8 декабрда Ўзбекистон Республикаси Конституцияси қабул қилинганнинг 28 йиллиги юртимизда кенг нишонланади. Қайд этиш лозимки, ушбу ҳужжат жамиятнинг асосий бўғини ҳисобланган оиланинг ҳуқуқий негизлари, ота-оналар ва фарзандларнинг ҳуқуқ ва бурчлари, оналик ва болаликнинг давлат томонидан муҳофаза қилинишини ўта муҳим қоидаларда акс эттиради. Ҳужжатда бундай меъёрларнинг назарда

тутилиши, энг аввало, оилалар мустаҳкамлигини таъминлашга хизмат қилади.

Қолаверса, ёшлар сиёсати ва улар иштирокидаги муносабатлар ҳам мустаҳкам тартибга солинган. Ҳозирда мамлакатимизда вояга етмаган болалар ҳамда ёшлар манфаатларини ҳимоя қилиш, эркинликларини амалга оширишнинг ҳуқуқий асослари яратилган бўлиб, бир қатор қонун ва қонун ости ҳужжатлари қабул қилинган. Бу борада “Бола ҳуқуқлари тўғрисида”, “Ёшларга оид давлат сиёсатининг асослари



тўғрисида”, “Васийлик ва ҳомийлик тўғрисида”ги қонунлар ва шу каби ҳужжатларни келтириб ўтиш мумкин.

Умуман олганда, Конституциямиз шахс ва жамият манфаатларининг уйғунлигига ва уларни амалга оширишга хизмат қилувчи, мамлакатнинг ҳар томонлама ривожланиши ҳамда халқ фаровонлигини таъмин-

лашни мустаҳкамловчи олий юридик ҳужжатдир. Унинг нормаларини тушуниш, тўғри талқин этиш ва принципларига оғишмай риоя қилиш мамлакатда қонунийликни таъминлаш ва фуқароларнинг ҳуқуқларини кафолатлашда асосий таянчдир.

Ирода ҚУРБОНОВА,
Зангиота туманлараро
иқтисодий суди судьяси

■ **Партия ҳудудий ва маҳаллий кенгашлари ёшлар билан ишлаш йўналиши бўйича ўтказилган ҳисобот-таҳлил тадбирларининг ҳал қилувчи босқичи, яъни “Ёшлар қаноти” республика конференциясининг қизгин ва баҳс-мунозараларга бой бўлгани кўпчиликини қизиқтириб қўйди.**

– Халқимизда “Кенгашли тўй тарқамас” деган нақл бор, – деди **Олий Мажлис Қонунчилик палатасидаги фракциямиз аъзоси, ёшлар масалалари бўйича комиссия вакили Баҳром Раҳмоналиев** конференция бошланишидан олдин. – Кўпчилик билан маслаҳатлашиш, турлича қарашлар билан ҳисоблашиш партиямизга хос иш услубларидан бири. Айниқса, ёшлар билан қайта-қайта кенгашиш зарур. Улар орасида бутунлай янги, ноанъанавий фикрлайдиганлари кўп.



Ёшлар парламенти аъзолари, партия ҳудудий ташкилотлари вакиллари, тадбиркорлик ва бошқа соҳалар билан шуғулланувчи навқирон сафдошларимиз жам бўлган, кўпгина маслақдошларимиз онлайн тарзда қатнашаётган анжуманни **Олий Мажлис Қонунчилик палатаси Спикери ўринбосари, O‘zLiDeP фракцияси раҳбари, партия Сиёсий Кенгаши Ижроия қўмитаси раиси Актам Хаитов** очиб берди.

– Ёшларни ҳар томонлама қўллаб-қувватлаш, уларга имкониятлар яратиш борасида Президентимиз бошчилигида қанчалик оқилона сиёсат юритилаётгани тўғрисида батафсил сўз юритишнинг ҳожати йўқ, – деди Актам Хаитов. – Буни ҳаммамиз кўриб-билиб турибмиз. Албатта, партиямиз теран мазмунли, олис истиқболни кўзлаб амалга оширилаётган ана шу жараёнда фаол иштирок этапти. Биз ёшлар билан ишлашда фақат тарғибот-ташвиқот билан чекланиб қолмаяпмиз. Кейинги йилларда фаолиятимиз самарали кечганидан далолат берувчи айрим рақамлар, қиёсларга диққатингизни қаратаман. Ҳамкорликда уюштирилган кўплаб меҳнат ярмаркалари орқали 2 мингдан ортиқ ёш иш билан таъминланди.

2014 йилда **Олий Мажлис Қонунчилик палатаси депутатлигига 4 нафар, халқ депутатлари вилоят кенгашларига 6, туман ва шаҳар Кенгашларига 94, жами 106 нафар ёш депутат сайланганди. 2019 йилда эса навқирон вакилларимиз парламент қўйи палатасида 10 нафарни, вилоят кенгашларида 64 ҳамда туман ва шаҳар кенгашларида 658, жами 733 нафарни ташкил этди. Бошқача айтганда, ёш вакилларимиз етти баробарга ортди! Ёшлар парламентида вакилларимиз 79 нафарни, яъни кўпчиликини ташкил қилиши, уларнинг уч нафари қўмиталар раислари этиб сайлангани ҳам саъй-ҳаракатларимиз зое кетмаётганини англатади. Тан олиш керак, камчиликларга ҳам йўл қўйдик. Аслида бу ерга нуқсонлар ҳақида рўйи рост гапириб, уларни бартараф этиш йўллари белгилаш учун йиғилганмиз. Ишончим комилки, барча масалалар атрофлича таҳлил этилиб, пухта қарорлар қабул қилинади.**



Парламент қўйи палатаси депутати, **O‘zLiDeP фракцияси аъзоси, партия Сиёсий Кенгаши Ижроия қўмитаси раисининг ёшлар масалалари бўйича ўринбосари Абдулло Асланов** “Ёшлар қаноти”нинг 2017–2020 йиллардаги фаолияти хусусида муфассал ахборот берди. Улардан айрим иқтибослар келтирамиз: Бугунги кунда партия “Ёшлар қаноти” 394 минг 191 нафар ёшни жипслаштириб турибди. Бу жами партия аъзоларининг 52 фоизи демакдир. Салкам тўрт йил давомида навқирон аъзоларимиз сони қарийб 224 минг нафарга ошгани алоҳида эътиборга молик. Яъни, O‘zLiDeP кейинги бир неча йилда олдинги даврга нисбатан жуда яхши натижаларни қўлга киритди.

Ёшларимиз қизиқадиган соҳалар хилма-хил. Шундан келиб чиққан ҳолда партиямиз лойиҳалари қамрови ҳам кенг. Масалан, жамиятдаги жараёнларга, сиёсатга бефарқ бўлмаган йигит-қизлар учун “Янги авлод кадрлари”, “Парламентда менинг ўрним”, “Келажак депутатлари” лойиҳалари амалга оширилди. “Янги авлод кадрлари” бўйича қандай ишлар бажарилганини кўриб чиқайлик. Юртимиздаги 28 та олий таълими муассасаси билан ҳамкорлик меморандумлари имзоланди. Партиямизга хайрихоҳ 2,5 мингга яқин талабага доир маълумотлар базаси шакллантирилиб, 860 нафари O‘zLiDeP аъзолигига қабул қилинди. 700 нафари сиёсий кучнинг истиқболли кадрлар захирасига киритилди. Улар орасидан 49 таси партия тузилмаларига ишга қабул қилинди. Турли йўналишдаги яна ўнлаб лойиҳалар ҳам эртамин эгалари салоҳияти рўёбга чиқишига хизмат қилди. Чекка ҳудудларда 77 та “O‘zLiDeP кутубхоналари” очилгани эса китобсеварлар учун ажойиб туҳфа бўлди. 10 йил аввал партия кадрлар захираси таркибида ёшлар улуши 38,2 фоиз эди. Жорий йилда эса қарийб 60 фоизга етди. Хуллас, “Ёшлар қаноти” зиммасидаги вазифаларни баҳоли қудрат уддалади, дейишга асосларимиз етарли.

Олий Мажлис Қонунчилик палатасидаги депутатларимиз фаолият сарҳисоби юзасидан фикр-мулоҳазалар билдириш асносида ёшларга йўл-йўриқлар ҳам бердилар.



– Ёшлик кўз очиб юмгунча ўтиб кетади, – деди **Олий Мажлис депутати Расул Кушербаев**. – Шунинг учун бир соатни ҳам беҳуда ўтказмаслик керак. Назаримда, кўп ёшларимиз ҳаддан ортиқ сипо, андишали. Дадиллик, жўшқинлик сезилмайди. Баҳслашишдан,



жиддий саволлар беришдан чўчимаглигингиз, янги-янги гоёларни ўртага ташлашингиз зарур. Айтайлик, ёшлар бандлиги масаласи 20 йил олдин ҳам долзарб эди, ҳозир ҳам шундай. Шу каби ўткир муаммоларнинг ҳал бўлишига, олайлик, аниқ таклифлар билан қанчалик ҳисса қўшяпсиз? Орангиздан кимлар ўзини ўзи ишли қила олди? Демокриманки, ҳар бир ишга энг шимариб киришиш керак.

Конференцияда O‘zLiDeP “Ёшлар қаноти”нинг 39 кишидан иборат жамоатчилик кенгаши яқдиллик билан тасдиқланди. Зеро, кенгаш аъзоларининг ҳаммаси ўз касб-кори бўйича катта муваффақиятларга эришган, фазилатлари тилга тушган ёш сафдошларимиздир.

Сўнгра навбатдаги масала кўрилди. “Ёшлар қаноти”нинг ойлари давомида юзлаб таклифлар умумлаштирилиб тайёрланган, 6 та боб, 44 банддан иборат, қамровдор “йўл харитаси” кўпчилик томонидан маъқулланди. Айримлар ўз эътирозларини ҳам билдирди.



– Менимча, сон эмас, сифатга кўпроқ эътибор бериш зарур,

қанча талабчан бўлса,

жонкуярлик ва фидойилик кучаяди



– деди **Қонунчилик палатаси депутати, “Ёшлар қаноти” жамоатчилик кенгаши аъзоси Дониёр Фаниев.** – Ўнта эмас, битта йўналишдаги ишлар амалга оширилсин. Лекин ғоят таъсирчан, ёшлар онгу шуурида ёрқин из қолдирадиган бўлсин. Шунингдек, баъзи чора-тадбирлар ишлаб чиқилишида ҳозирги ёшларнинг реал талаб-эҳтиёжидан келиб чиқилмагани кўзга ташланади – улар қандайдир мавҳум, баландпарвоз. “Ёшлар қаноти” фаолиятида ташаббускорлик, ишчанлик кўрсатган ёшларни партия тавсиясига кўра олий ўқув юртларига имтиёзли қабул қилиш тўғрисидаги лойиҳа ҳар хил омиллар сабабли амалга ошиши қийин, деб ўйлайман. Бунда шуни ҳам ҳисобга олиш керакки, партия ғояларига садоқат билан бирор соҳага иқтидор, лаёқат бошқа-бошқа нарсалардир.

– Дастурдан ёшларимизнинг аксариятини қизиқтирмайдиган баъзи йўналишлар ҳам ўрин олган, – деди **талаба Дилноза Сулаймонова.** – Лойиҳалар ҳаммабоб бўлиши, имкон қадар кўпроқ йигит-қизларни жалб қилиши айтилди.

Ёшлар парламенти аъзоси, талаба Маҳлиё Тўрабоева “йўл харитаси”даги мазмун-моҳияти ўхшаш бир неча бандни бирлаштириш ва ягона йўналишда иш юритиш, унга ёш блогерлар клубини тузиш режасини ҳам киритиш таклифларини илгари сурди.

Бошқаларнинг фикрлари ҳам муҳокама қилинди ва билдирилган мулоҳазалар асосида қўшимчалар, ўзгартишлар киритилиши шарти билан “йўл харитаси” тасдиқланди.

“Ёшлар қаноти”нинг янгиланган низоми ҳам кўриб чиқилди ва маъқулланди.

Анжуманнинг иккинчи қисми пойтахтимиздаги Турин политехника институтида бўлиб ўтди.

“Йўл харитаси”даги талай режаларни ҳамкор ташкилотлар билан биргаликда бажариш назарда тутилган. Бинобарин, тегишли вазирликлар, идоралар вакиллари мулоҳазалари эшитилди. Жисмоний тарбия ва спорт вазирлиги вакили “O‘zLiDeP кубоги” учун фақат футбол мусобақаларини эмас, балки қиз-жувонлар ҳам, жисмоний имконияти чекланганлар ҳам қатнаша оладиган спорт ўйинлари, чунончи, шахмат-шашка турнирлари ҳамда турли онлайн беллашувлар ўтказиш мақсадга мувофиқлигини айтди.

“Йўл харитаси”да белгиланган 44 та лойиҳадан бир нечтасидагина оммавий ахборот воситалари билан ҳамкорлик қилиш кўзда тутилган. Ҳолбуки, уларнинг ҳаммасида

ОАВ қатнашишидан манфаатдор бўлмаган одам топилмаса керак. Олий таълим вазирлиги ходими Мансуржон Бойсалиев ана шундай йўл тутишни тавсия этди.

Маҳалла ва оилани қўллаб-қувватлаш, Бандлик ва меҳнат муносабатлари вазирликлари, Савдо-саноат палатаси, Ёшлар ишлари агентлиги вакиллари ҳам жўяли маслаҳатлар бердилар.

Партия Сиёсий Кенгаши Ижроия қўмитаси ёшлар билан ишлаш бўлими мудир Юсуфжон Юсупов ушбу таклифлар “йўл харитаси”дан ўрин олишини маълум қилди. Фикр алмашувлар асносида лойиҳаларни тегишли ташкилотлар билан биргаликда ҳаётга татбиқ этиш механизмлари ишлаб чиқилди.

Конференциянинг иккинчи кунини “Депутат ва ёшлар” форуми ташкил қилинди. Ёшлар бевосита ва онлайн йўсинда Олий Мажлис Қонунчилик палатаси депутатлари билан эркин мулоқот қилишди. Савол-жавоблардан баъзиларини қуйида келтирамиз.

Абдуқодир САЙФИЕВ, талаба:

– Маҳаллий кенгашлардаги талай депутатларимиз фаолияти, юмшоқ қилиб айтганда, талабга жавоб бермайди. Бунинг сабаби нимада?

Дониёр ФАНИЕВ, Олий Мажлис Қонунчилик палатаси депутати:

– Битта сабаб шуки, сайловчилар фаол эмас. Сайловчилар – депутатнинг иш берувчиси, уни ҳаракатга келтирувчи куч. Айниқса, ёшлар талабчан бўлиши, таъбир жоиз бўлса, ноибни “тергаб” туриши, “депутат бўлиб нима каромат кўрсатяпсиз?” дея баралла айтиши керак. Қисқаси, қарс икки қўлдан чиқади.

Араббой АБДУЛЛАЖОНОВ, ёш тадқиқотчи:

– Фикримча, икки йил муддатга сайланса, депутат ваъдаларини бажаришга шошилган бўларди. Шундай эмасми?

Расул КУШЕРБАЕВ, Олий Мажлис Қонунчилик палатаси депутати:

– Ҳар йили сайланса, янаям яхши бўларди. Айрим илғор давлатларда шундай. Бироқ сайлов жуда серхаражат кампания. Ҳали-ҳозирча бундай йўл тутиш мақсадга мувофиқ эмас.

Сардор ЖУМАНИЁЗОВ, O‘zLiDeP Хоразм вилоят ташкилоти ходими:

– Солиқ қонунчилигига кўра яқка тартибда тадбиркорлик билан шуғулланишни бошлаган коллеж битирувчиси ярим йил солиқлардан озод қилинади. Бу имтиёзни институт битирувчиларига ҳам жорий қилиш мумкин эмасми?

Расул КУШЕРБАЕВ:

– Ажойиб таклиф айтдингиз. Менга қолса, 30 ёшгача бўлган, ўз бизнесини йўлга қўяётган беистисно барча йигит-қизларга солиқ имтиёзлари берардим. Таклифингизни тегишли тартибда Қонунчилик палатаси муҳокамаларига киритамиз. Ажаб эмас, Солиқ кодексида ўзгаришлар бўлса...

Ўнга яқин йигит-қизлар ўзлари дуч келаётган муаммоларни айтиб, ёрдам сўради. Ноиблар маслаҳатлар бериб, масалалар ҳал қилинишини назоратга олдилар.

Шу билан конференция ўз ишини якунлади. Қандай хулосалар чиқариш мумкин? Аввало шу жиҳат бўртиб кўзга ташланди: “Ёшлар қаноти” зиммасидаги маъсулият залворини ҳис этиб, шунга монанд иш олиб боришга ҳаракат қилаётир. Шунинг баробарида партиянинг ёшлар билан ишлаш йўналишини янада кучайтириш, ташаббускор йигит-қизларни сиёсий куч атрофида бирлаштиришга қаратилган ишларни янада жонлантириш, жадаллаштириш талаб қилинапти. Энг муҳими, мазкур анжуман сафларимизда партия ғоя ва мақсадларини рўйбга чиқаришда таянишимиз мумкин бўлган, бу улкан ишга катта ҳисса қўша оладиган ёшлар жуда кўплигини кўрсатди.

Беҳзод ИСРОИЛОВ, Шуҳрат РАҲИМОВ (суратлар), “XXI asr” мухбирлари



Тадбиркорнинг тилини топиш керак

О'zLiDeP депутатлар ва тадбиркорларни фаолликка ундовчи, уларни бир-бирига яқинлаштирувчи, муаммоларнинг ҳамжиҳатликда ҳал қилинишига имкон берувчи турли шаклдаги мулоқотларни изчиллик билан амалга оширяпти. Навбатдаги ана шундай туркум тадбирлар – “Депутатлар ва тадбиркорлар мулоқоти” форуми республикамизнинг кўпгина шаҳар ва туманларида бўлиб ўтмоқда.

ҚОРАҚАЛПОҒИСТОН РЕСПУБЛИКАСИ

Тахиятош туманида ташкил этилган форумда бизнес юриштининг афзалликлари, юртимизда ишбилармонлик муҳитининг тобора яхшиланаётгани, партия ҳам тадбиркорларга кўмак беришга ҳамisha тайёр эканлиги алоҳида таъкидланди. Сўнгра шикоятлар, таклифлар эшитилди.

М.Байрамов томорқасига иссиқхона қурмоқчилигини айтиб, моддий ёрдам сўради. Депутатлар кам таъминланган оилалар ва ишсиз хотин-қизлар, ёшлар учун иссиқхоналарни бепул барпо этиш бўйича имтиёзлар борлиги ва тадбиркорлик бўйича берил-

диган гувоҳнома учун энг кам иш ҳақи миқдорида пул тўланишини маълум қилдилар. “Дилором текстиль” оилавий корхонаси раҳбари Дилором Сабирова фаолиятини янада кенгайтириш учун “ноль” қийматда бўш турган бино зарурлигини билдирди. Унга қуйидагилар тушунтирилди: агар бўш жой топиб, 50 кишининг бандлигини таъминласа, туман бандликка кўмаклашиш маркази томонидан ҳар бир ишчи учун 2 млн. 230 минг сўмдан, жами 115 млн. сўм субсидия ажратилади, бундан ташқари, тадбиркор 3 йилгача мулк, ер ва даромад солиғидан озод қилинади. Ёш тадбиркор, “Дана текстиль” МЧЖ раҳбари Гулдана Ахметова замонавий дераза ва эшик ромларини ишлаб

чиқарувчи дастгоҳлар олиб келиш учун имтиёзли кредитларга эҳтиёж сезаётганини айтди. Ноиблар унга “Халқ банк”нинг туман филиалига дарҳол мурожаат қилишни маслаҳат бердилар. Чунки ҳозирда мазкур банк 14 фоизлик устама, иккита кафил бўлиши шarti билан 33 млн. сўм кредит беришти, сўралаётган сармоя 33 млн. сўмдан кўпроқ бўлса, гаров талаб қилинади.

Мулоқотда айрим масалалар жойида ҳал қилинди. Қолганларига тегишли ташкилотларга депутатлик сўрови юбориш орқали ечим топишга келишилди.

О'zLiDeP Қорақалпоғистон
Республикаси
Кенгаши матбуот хизмати



АНДИЖОН

Андижон шаҳрида бўлиб ўтган мулоқотда О'zLiDeP Сиёсий Кенгаши Ижроия кўмитаси Сиёсий таълим ва депутатлик гуруҳлари билан ишлаш бўлими мудири Ақром Алимов, Олий Мажлис Қонунчилик палатаси депутатлари Умидахон Зокирова, Одинахон Отахонова, маҳаллий кенгаш депутатлари, вилоятдаги бир нечта ташкилот масъуллари, тадбиркорлар ҳамда ишбилармонликка иштиёқманд хотин-қизлар, ёшлар иштирок этдилар.

Тадбирни партия вилоят Кенгаши раиси Хуршидахон Халилова очиб, кичик бизнес ва хусусий тадбиркорликнинг жадал ривожланишига тўсқинлик қилаётган омилларни бартараф этиш бўйича депутатлар томонидан ишлаб чиқиладиган чора-тадбирлар, шунингдек, коронавирус пандемияси даврида аҳоли бандлиги ва даромадини оширишнинг муҳим манбаи бўлган хусусий секторни янада ривожлантириш бўйича партия вилоят Кенгаши ҳамда депутатлар томонидан амалга ошириладиган ишлар хусусида атрафлича тўхталди.

34 ёшли Гули Жўраева Андижон шаҳрида истиқомат қилади. 6 нафар фарзанди бор. Айни вақтда яшаш уйида тикувчилик билан шуғулланиб рўзгор тебратди. Мақсади фаолиятини кенгайтириш. Бунинг учун хонадонидан етарли шароит бор, шогирд-

лари кўп. Аммо тикув машиналари етишмайди. Имтиёзли кредит олишда кўмак сўраган фуқаронинг мурожаати халқ депутатлари Андижон шаҳар Кенгаши депутатлари томонидан назоратга олинди. Ёш тадбиркорлар Абдуваҳоб Умаров, Аҳмадали Қосимов, Алимардон Исамиддинов ҳам сармоя олиш масаласини ўртага ташлашди. Халқ ноиблари муаммони ҳал қилишга киришдилар. Фуломжон Машрапов мебель тайёрлаш билан шуғулланади. Фаолиятини ижарага олинган бинода олиб боришти. Бироқ ҳар ойда 6 миллион сўм ижара ҳақи тўлаш оғирлик қилаётгани рост. Ер олиб, бино қурмоқчи. Лекин ер ажратиш масаласи пайсалга солиняпти. Бош вазирнинг тадбиркорлар мурожаатларини кўриб чиқиш қабулхонаси Андижон вилоят бўлими мудири А. Араббоев ишбилармонга ёрдам беришни зиммасига олди. Гулжаҳон Усмонова Жалақудуқ туманидаги “Гулжаҳон XXI” фермер хўжалиги раҳбари. У 100 ишчи ишлайдиган трикотаж корхонаси фаолиятини ҳам йўлга қўйган эди. Аммо карантин талаблари кучайтирилган даврда корхона фаолияти тўхтаб қолди. Тадбиркорга буюртма берувчилар зарур. Савдо-саноат палатаси ҳудудий бошқармаси муаммони ҳал қилишни назоратга олди.

О'zLiDeP Андижон
вилоят Кенгаши
матбуот хизмати

БУХОРО

Бухорода ўтказилган форумда дастлаб кластер тизими афзалликларини исботлаётган, таркибида 5 та корхона фаолият кўрсатаётган “BCT Cluster” тўқимачилик мажмуаси эришаётган ютуқлар тилга олинди.



Яқин орада қатор ҳудудларда бир йўла 50 та савдо дўкони очишни режалаштираётган корхона хорижий давлатларда, жумладан, Болтиқбўйи республикалари, шунингдек, Германиянинг Мюнхен, Дрезден шаҳарларида ҳам Бухорода тайёрланган бежирим кийим-кечаклар савдосини йўлга қўйиш тараддудида эканлиги барчани қувонтирди. Шунингдек, бухоролик таниқли зардўз, “Устозодаи зардўзон” оилавий корхонаси раҳбари, “Шуҳрат” медали соҳиби, дунёга номи танилган тадбиркор Бахшилло Жумаевнинг тажрибаларини ҳам янада оммалаштириш хусусида сўз юритилди. Яна бир партиядошимиз, “Маржон стом сервис” ва “Ғиждувон диагностика маскани” корхоналари раҳбари, халқ депутатлари вилоят Кенгаши депутати, “Дўстлик” ордени соҳибаси Гулбаҳор Шаропованинг пандемия шароитида ўз юртдошларига кўрсатган хайр-саховати тадбирда алоҳида эътироф этиб ўтилди.

О'zLiDeP Сиёсий Кенгаши Ижроия кўмитаси бўлим мудири – Насимжон Алимов ва Бахтиёр Руҳиддинов анжуман иштирокчиларининг айрим муаммолар юзасидан қилган мурожаатлари юзасидан амалий кўмак беришга тайёр эканликларини билдиришди.

Асхор ИСТАМОВ,
“XXI asr” мухбири

ЖИЗЗАХ

Жиззах шаҳрида ҳам мазкур форум доирасида ўтказилган тадбирда кўпчилик “Zoom” дастури орқали онлайн тарзда иштирок этди.

– Мазкур лойиҳа орқали авваломбор кичик ва ўрта бизнес вакиллари, тадбиркорлар, мутасадди ташкилотлар вакиллари ҳамда депутатлар билан яна бир ўзаро мулоқот майдонини яратиш имконияти мавжуд, – дейди О'zLiDeP Жиззах вилоят Кенгаши жисмоний ва юридик шахсларнинг мурожаатлари билан ишлаш бўлими мудири Акбар Якубов. – Айнан маҳаллий ҳокимлик ва ҳамкор ташкилотлар билан биргаликдагина жойларда ривожланишга тўсқинлик қилаётган, тадбиркорлик фаолияти эркинлигини чеклаётган муаммоларни

ҳал қилиш мумкин. Қолаверса, мазкур муаммоларни доимий равишда тизимли ўрганиб бориш ҳамда уларни бартараф этиш юзасида депутатларимизнинг аниқ позициясини шакллантиришимиз ўта зарур. Мулоқот давомида бу борадаги ҳар қандай таклиф ва ташаббусни, мурожаатларни албатта атрафлича ўрганиб чиқамиз.

Тадбир давомида кичик бизнес вакиллари,

оилавий тадбиркорлар, ўз тадбиркорлигини бошламоқчи бўлган ёшлар ва аёллар ўз муаммолари билан тўғридан тўғри ёки авваломбор депутатларга, шунингдек, ҳамкор ташкилот вакилларига тўғридан-тўғри мурожаат қилиш имконига эга бўлдилар. Мисол учун, якка тартибдаги тадбиркор Достон Убайдуллаев “Ҳар бир оила тадбиркор” давлат дастури бўйича нон ва нон маҳсу-

лотлари ишлаб чиқариш учун 15 фоизли 30 млн. сўм миқдорида кредит олиш мақсадида “Агро-банк” АТБ Жиззах филиалига 6 ой олдин ҳужжат топширган. Лекин ҳозир кунгача кредит ололмаган. Банкдагилар ҳар сафар “Ресурс йўқ”, деган жавобни беришмоқда. Ушбу мурожаат Ўзбекистон Республикаси Бош вазирининг тадбиркорлар мурожаатларини кўриб чиқиш қабулхонаси Жиззах шаҳар бўлими ва Халқ депутатлари Жиззах шаҳар Кенгаши депутатлари томонидан назоратга олиниб, ижобий ҳал этиб берилдиган бўлди. Шу кун яна ўнлаб мурожаатларга ҳамкор ташкилотлар билан биргаликда ижобий ечим изланди.

Баҳром МИРЗАҚОБИЛОВ,
“XXI asr” мухбири





“Шўртан Газ Кимё мажмуаси”

масъулияти чекланган жамияти

барча юртдошларимизни Ўзбекистон Республикаси Конституциясининг 28 йиллиги муносабати билан самимий муборакбод этади. Ўсони қонунимиз янги-янги авлодлар учун ҳам ҳаёт қомуси бўлиб қолишига, даврнинг долзарб муаммоларига ечим топишга мустаҳкам пойдевор сифатида хизмат қилишига ишонамиз. Ҳар бир ватандошимизга сиҳат-саломатлик, бахт ва омад тилаймиз.





DAVR BANK ХАТБ

*Мамлакатимизда инсон ҳуқуқларини белгиловчи ва
ҳимоя қилувчи асосий ҳужжат – Ўзбекистон Конституцияси
қабул қилинганининг 28 йиллиги қутлуғ бўлсин!*

*Бош қомусимизнинг ҳаётбахш куч-қудрати эркин ва озод, тинч ва
осойишта ҳаётимизда янада яққол акс этиши тарафдоримиз!*



AGROBANK АТБ жамоаси



*Барча юртдошларимизни Ўзбекистон Республикаси
Конституцияси қабул қилинганининг 28 йиллиги
билан табриклайди! Хонадонларимиздан
файзу барака аримасин! Мамлакатимизда қонун
устуворлиги ҳамيشа барқарор бўлсин!*




Download on the
App Store

GET IT ON
Google Play

8

декабрь

ИПОТЕКА BANK



Юрtdoшларимизни Конституциямиз қабул қилинган кутлуг сана билан самимий табриклаб, уларга мустаҳкам сиҳат-саломатлик, оилавий хотиржамлик, фарзандлар бахту камолини кўриб юришни тилаймиз. Ватанимизда қонун устувор, адолат ҳамиша барқарор бўлсин!

Imkoniyat yaratamiz!



“BUKHORODONMAHSULOTLARI” AJ

*Ватанлиқ ҳаётидаги қутлуғ сана – Конституциялиқ қабул қилинган кун барчаллиқга муборак бўлиш!
Ҳуқуқий-демократик давлат, кучли фуқаролик жамияти барпо этиш йўлида улкан муваффақият ва зафарлар доимий ҳамроҳилиқга айлансин!
Элмиллиқнинг ризқ-насибаси ҳаммита бутун, дастуржони тўқин бўлиш!*



- Пул нима ва нега керак?
- Унга ҳамма нарса-ни сотиб олиш мумкинми?
- Пули кўплар кечаси яхши ухламаслиги ростми?

Аксарият одамларнинг ақча топишга муккасидан кетиши тунда бедорликка, безовталикка эришиш учунми? Эсланг, “Олтин девор” спектакли қахрамони “ол тиллаларингни – қайтар ҳаловатимни” дея нечун додлаган экан?

Пул бўлмаса, бозорга киролмайсан. Дўконда чўнтак-

ойлигимни нақдлаштиришда ушбу сумманг бир фоизини банкка қолдиришим керак? Нима учун? Ваҳоланки, шу банкларнинг ўзи электрон ҳамён қулайлигини зўр бериб тарғиб қилган ҳолда очган бўлса уни!? Истаган пайтда нақдлаштириш мумкин – муаммо йўқ, дея ТВдан жар солиши тўхтамаса!? Эркин Воҳидов услубида “ол пластинггни – қайтар пулимни” дейиш шартми!?

Марказий банк раисининг вазиятга изоҳ беришича, бир фоиздан ушлаб қолинаётган маблағлар банкоматларга техник хизмат кўрсатиш учун зарур эмиш. Шунақа вақтда



Kundalik
mobil ilovasi
Barcha, ota ona, o'quvchi va o'qituvchilar uchun

Пул ва бозор, банк фоизидан озор

“Электрон кундалик” учун йиғилаётган маблағ йилига қанча бўлишини тахминан ҳисоблаб кўрдингизми? Калькулятор экранда неччи хоналик рақамлар пайдо бўлишини-чи?

даги ақчанга яраша савдо қиласан. Гўшт растаси қарши-сида мўлтираганингда қассоб берган савол ортиқча ва тагин аламли: мўлжал қанчага ўзи?

Илгари бозорда топилмайдиган матоҳни танқис (дефицит) дейишарди.

Авваллари бозорда сотилмайдиган туйғуларни ҳалоллик аташарди.

XXI асрнинг хоҳ озиқ-овқат, хоҳ буюм бозори бўлсин, ноёб уйғунликни қарангки, ҳалоллик танқислиги авжида. Кўзга тик қараб ёлғонни ямламай ютиш урфда. Сўзига инонтириш учун неча маҳал ибодат қилишини кўшиш трендда. Утмас “бренд”ини ўзга йўл ила харидор кўлига тутқазаш мушкуллиги ҳам аксиома-да.

Румийнинг даъвати ёдга келавради: кўнглингни покламабсану қайта-қайта таҳоратинг нимаси!? Дили ва тили бир бўлмаган инсон юз тилни (жумладан, бозорчилар тили) билса ҳам, тилсиз саналгай.

Сотувчининг алдовдан муддаоси мўлроқ пул топмоқ эканлиги шубҳасиз. Мижоз ҳақидан уриш гуноҳлигини англай туриб шу ишни кундалик одатга айлантириш мода бўлиб қолди.

Мижоз дея банкирларнинг фаол атамасини беихтиёр қўллавордим шекилли. Майли, мавзунинг бу йўналишига тегиб ўтсак зарар этмас. Аммо кредитга фоиз талаб қилиниши судхўрлик билан баробарлиги тўғрисида асло гап очмоқчи эмасман ҳозир. Ҳали бунинг кун тартибига қўйилишига анча қовун пишиги бор.

Бугун ўзимизнинг пешона теримиз ила олаётган маошимиздан ҳам банкларнинг фоиз ушлаб қолаётгани қай мантиқ ёхуд адолатнинг не мезонига мос тушиши хусусида мулоҳаза юритмоқчиман.

Жиддий савол: нега пластик карточкага ўтказилган қонуний

раис бува дегим келади жайдарилигим тутиб, биринчидан, техник хизмат ҳақини банклар фойдасидан ажратиш керак. Иккинчидан, сиз депутатларни ишонтиришингиз мумкин ушлаб қолинаётган маблағнинг барчаси банкоматлар техник хизматига кетади деб, бироқ оддий одамларни эмас. Бу фоизлардан бир кунда, бир ойда, бир йилда қанчалик катта сумма йиғилишини мактабда учга ўқиган киши ҳам билади. Янги Ўзбекистоннинг аҳолиси янги дунёқараш билан яшаётганини унутиб қўйганлар “камбағални урма, сўкма, тўнини йирт” мақолини шиор қилиб ишлаши кўнгилга озор беради.

– Очиғи, ҳурматли молиячиларимиз 1 фоиз билан 0,1 фоизни онгли равишда адаштиришган, – дейди соҳани яхши тушунадиган танишим. – Яъни, ўз фойдасига янглишишган. Аслида 0,1 фоиз ҳам етади банкоматларга техник хизмат кўрсатишга. Бу худди кредитлар ажратишдаги ҳолатга ўхшайди. Юксак ривожланган Фарб мамлакатларини қўйинг, ҳатто МДХга аъзо давлатларнинг аксариятида кредитлар ставкаси 7 фоиздан ошмайди. 12 ой давомида тўловлар аниқ жадвал асосида амалга оширилган тақдирда кейинги йилга яна 2 фоизга тушириб берилади. Мижозга совға-салом улашилади. Бизда эса 20 нинг тепасидаги фоизларда юртдошларимизга улкан қулайлик яратгани билан мактанади банкларимиз. Навбат кутаётганингда бир финжон қаҳва у ёқда турсин, қултум сув беришмайди сўрамасангиз...

“XXI asr” ижтимоий-сиёсий газетаси аввалроқ бу борадаги хорижий тажрибани таққослаган ҳолда танқидий-таҳлилий мақола эълон қилганди. Аммо на Марказий банкдан, на тижорат банкларидан муносабат

билдирилмади. Жим туришни лозим топишди соҳа мутасаддилари. Таҳририят кўндаланг қўйган саволлар ҳамон жавобсиз қолмоқда.

Отанг бозор, онанг бозор қабилидаги мулоҳазаларимизга халқдан ими-жимиди йиғиб олинаётган яна бир катта суммани кўшиб кетсак зиён қилмас. Халқ таълими вазирлиги ташаббуси билан “Kundalik” рақамли таълим платформаси яратилганини олқишлаганимиз дуруст, бироқ шу баҳона тўпланаётган пул қаёққа кетиши жамоатчилик назоратидан ташқаридалиги чакки. Вазирлик расмий сайтида бугунги кунда Ўзбекистонда 6 миллион 119 минг 440 нафар ўқувчи борлиги қайд этилган. Энди буни ҳар бир боладан электрон кундалик учун олинаётган 9 минг 200 сўмга кўпайтиринг. Неччи хонали сон чиқди? Биргина дастурий маҳсулотга шунча харажат кетишига ишонасизми? Борингки, ушбу дастурий маҳсулотни яратиш учун 5 миллиард, ходимлар иш ҳақиға 1 миллиарддан ошиқроқ кетди дейлик. Қолган 50 миллиарди нима бўлади? Ота-оналарнинг ўз шахсий эҳтиёжларидан қисқартириб жамлаган пулидан шакланган “соққа” қайси фирманинг ҳисобрақамига расмийлаштириляпти? Ҳар қалай бу пуллар бюджетга тушмаслиги аниқ!

Шундай ҳолатларга гувоҳ бўлганингизда гўзаллик истайди кўнгилик, сокинлик соғинади қалб. Бозор ва сокинлик тескари тушунчалар аслида. Фала-говур, шовқин таърифи мос тушади. Бироқ пойтахтимизнинг қоқ марказидаги “Миробод” деҳқон бозоридаги сокинликнинг инкор қилолмайсиз. Саришталик маромида. Сотувчилар маҳсулотларни растага шунақа жойлаштиришадик, гўзаллигига қараб тураверасиз. Айниқса, мевалар рассом чизган

суратга ўхшайди. Фақат... нарх бозорнинг томи сингари жуда баланд. Масалан, занжабил (имбир) томири килоси нақд 300 минг сўм. Шу боис харидор сийрак. Бу ерда асосан баҳосини сўрамай тарозига қўйдирадиган тоифадаги кишилар савдо-сотик қилади.

“Кўйлик” бозорида маҳсулотлар нисбатан арзон. “Миробод” ва “Олой”дан осмон билан ерча фарқ қилади. Лекин шовқин. Тиқилинч. Бақир-чақирнинг теша тегмагани шунда. Қачон борсам, масъул ходимлар бозор ташқарисидаги сотувчиларни қувиб юрганини кўраман. Атрофдаги машиналар ҳам одамлардан каммас. Тўхташ жойи соатиға фалон пул бўлса ҳам, доим уловлар билан тўла. Тартибсизлик макони янглиғ таърифланади шу бозор тевараги.

Ичкаридаги гўшт растасига катта қилиб “55 минг сўм” деб ёзиб қўйишган. Аммо суяклиси 65, лаҳм 75 мингдан сотилади. Ёзувга ишора қилсангиз, пинагини бузмасдан, у комиссия учун илиб қўйилганини рўкач қилишади. Пластик картага ҳам “савдо” қилишади. Антикалиги шундаки, сотувчи ўзи бориб банкоматдан нақдлаштириб келади – яна сиздан фоиз кетади.

Яқинда “Фарҳод деҳқон бозори”да сотувчи ва харидорлар учун юксак қулайлик яратилгани, ҳар бир масалада қатъий тартиб ўрнатилгани ҳақида лавҳа кўриб қолдим. Ишонмадим. ТВга олгунча шундай қилиб турилганда, деган хаёлга бордим. Гумонлардан фориг бўлиш ниятида кечаги якшанба ўша мақталган бозорга тушдим.

Дарҳақиқат, “Миробод”даги сокинлик, “Кўйлик” бозоридаги телба-тескариликдан асар ҳам йўқ. Ҳаммаси жойида. Озодалик назоратда. Нарх-наво ҳамёнбоп. Пиёз ё сабзи, карам ёки лавлаги хариди учун ҳам терминаллар ишлаб турибди.

Банкоматдан фоиз ҳисобига нақдлаштиришга ҳожат йўқ. “Элга хизмат” ва “Озиқ-овқат захира” каби МЧЖларнинг расталарида излаганингиз муҳайё. Қашқадарё, Сурхондарё, Сирдарё вилоятлари, шунингдек, Қорақалпоғистон Республикасидан келтирилган қишлоқ хўжалиги маҳсулотларини фермер ва деҳқон хўжаликлари вакилларининг ўзлари сотишяпти. Халқимиз ибораси билан айтганда, биринчи қўл тамойили амалда. Шунинг учун нархлар сунъий ошиб кетмаган. Аксинча, арзонлаштирилган ярмаркаларда озиқ-овқат маҳсулотлари, жумладан, ун, шакар, ёғ, гўшт, тухум сингари рўзғор учун зарур бўлган нарсалар карантин қоидаларига риоя қилинган ҳолда сотиляпти. Харидорлар оралиқ масофани сақлаши ва эҳтиёжга яраша олиши тегишли мутахассислар томонидан тушунтириляпти.

Аввалгилар айтганидек, тартиб-интизом ва сифатли хизмат ўз-ўзидан таъминланмайди. Бунинг учун кимдир жон куйдириши, лавозимига лойиқлигини исботлаган ҳолда ишлаши керак. Сотувчи ва харидор муносабатига аралашмай вазиятни четдан кузатиб юрган масъуллардан бири эътиборимни тортди. У киши Учтепа туман Давлат солиқ инспекцияси ходими Нодир Пайзиходжаев экан. Ўз ваколати доирасида зиммасига оқлатилган вазифани бажараётди. Шунинг учун бўлса керак, ҳеч ким терминал ишламай қолди, демаяпти, “Кўйлик”дан фарқли ўлароқ, қоғозга қандай миқдор ёзилган бўлса, шу баҳода сотиляпти. Гўшт ҳам, гуруч ҳам, ҳатто балиқ ҳам...

Эндиги мақолаимизда қайси бозордан неча пулга нима олиш мумкин, мавзусида таққослама мулоҳаза юритишни ният қилганмиз. Агар сизда ҳам шундай қиёсий фикрлар бўлса, газетамиз саҳифаларидан жой ажратишга тайёрмиз.

“Kundalik” рақамли таълим платформасига ҳар бир ўқувчининг ота-онаси билан алоҳида шартнома тузиш эвазига йиғилаётган пуллар қандай сарфланишини кузатиб боришни ҳам унутмаймиз. Фақат бу билан синф раҳбарларига яна бир ишдан ташқари ташвиш пайдо бўлганини оқламадим. Улар шанба-якшанба куни уйма-уй юриб, шартнома тарқатаётгани фалати туюлаётди.

Сизнингча-чи? Олти миллион дондан ошиқ шартнома...

Озод РАЖАБОВ,
шарҳловчи

Ҳорманг энди, хоразмлик бекажонлар!



Светлана МАШАРИПОВА,

1987 йил 25 апрелда Хоразмда туғилган. Урганч шаҳридаги “Smart Invest” МЧЖ раҳбари, “Ишбилармон аёл – 2020” кўрик-танлови республика босқичи I-ўрин соҳибаси

– ТАДБИРКОРЛИК БИЛАН ШУҒУЛЛАНИШ АЁЛ КИШИГА МУШКУЛ ЭМАСМИ?

– Ҳар бир шахс, у хоҳ аёл, хоҳ эркак бўлсин, ўзининг орзу-истаги ва келажагидан умиди бўлади. Худди шундай, тадбиркорлик билан шуғулланиш – менинг азалий орзум бўлган ва мақсадларимга қараб ҳаракат қилганим боис соҳа менга қийин туюлмади. Чунки ишингизни севсангиз ва чин кўнгилдан бажарсангиз у мушкулот эмас, аксинча роҳатдир.

Рост, фаолиятим ўз-ўзидан ишга тушгани йўқ, ўзига яраша муаммолар, қийинчиликларни енгишга тўғри келди. Аммо мен уларга шунчаки юмуш сифатида қараганман. Шукрки, мана натижасини кўраяпман.

– ҲАЁТДА МАШАҚҚАТЛАРГА ДУЧ КЕЛСАНГИЗ, ҚАНДАЙ ЧОРА КЎРАСИЗ, НИМАГА СУЯНАСИЗ?

– Авваламбор Аллоҳга, чунки синовни бергувчи ҳам, сабримизга яраша мукофотини бергувчи ҳам Ўзи. Ҳаёт машаққатли кунларга ҳам, бахтли кунларга ҳам сизу бизни етаклайди. Ана шу синовни енгиб ўта олган инсонгина чинакам бахтга эришади. Ушбу қараш ҳар гал тўсиқларга йўлиққанимда менга мустаҳкам ишонч беради. Шундай пайтларимда ишчиларим – чевар қизларим билан иш жараёнида бўлишга, севган ишим билан чалғишга ҳаракат қиламан. Бу мени нафақат қийин дамлардан чиқишимга, балки янги ғоялар сари ҳаракат қилишимга туртки бўлади.

– КЎРИК-ТАНЛОВНИНГ ТАҚДИРЛАШ МАРОСИМИДА ҲАКАМЛАР СИЗНИ ҚИСҚА МУДДАТДА КАТТА ЮТУҚЛАР- ГА ЭРИШГАН ИШБИЛАРМОН АЁЛ, ДЕЯ ЭЪТИРОФ ЭТИШДИ. БУНИНГ СИРИ НИМАДА?

– Энди тадбиркорликни бошлаган 2016 йилда беш йиллик режа белгилаб олганман. Шунингдек,

давлатимиз томонидан ишбилармон аёлларга кўрсатилаётган ғамхўрликлар фаолиятимни янада ривожлантиришга туртки бўлди. Айниқса, маҳсулотларимни хорижий давлатларга экспорт қилиш билан боғлиқ имкониятлар ишлаб чиқариш ҳажмини кенгайтиришимизга катта йўл очди.

Бугунги кунда корхонамизда ойига 15 минг турдаги чойшаб тўп-ламлари ҳамда 300 мингдан ортиқ ошхона сочиқлари ишлаб чиқарил-япти. Маҳсулотларимизнинг 80 фоизидан ортиғи экспорт қилинмоқда. Чет эллик ҳамкорларимиз асосан Россия, Украина, Молдавия давлат-

Яна бир нарса мени қувонтирдики, ўзбек халқи ўзининг меҳр-оқибатлигини мана шундай оғир кунларда яна бир бор исботлади. Юртдошларимиз янада жипслашди, бир-бирларини қўллаб-қувватлади, саховатпеша инсонларнинг кўмаклари эса имконияти бўла туриб, ўз вақтида эҳсон қилмайдиганларга ҳам ибрат мактаби бўлди ва кўпчиликни ана шу хайрли ишларга ундади.

– ИШЧИЛАРИНГИЗНИНГ ҲАЁТИ, МУАММОЛАРИ, КЕЧИНМАЛАРИ СИЗНИ ҚИЗИҚТИРАДИМИ?

– Бўлмасам-чи, менга ишониб, ёнимда бирга елкадош бўлаётган ҳар бир аёлнинг нафақат турмуш тарзи, балки соғлиги, кайфияти, келажакка бўлган ишончи мен учун ҳам муҳим. Уларнинг ҳар бири билан опа-сингил бўлиб, алоҳида суҳбатлашаман. Муаммолари бўлганда кўмак беришга,

риши учун қорли кунларда пальтоси ёки этиги бўлмаган она ишхонасида хотиржам ўтириб, ишини сифатли қила оладими? Албатта, йўқ. У ҳар қанча тиришгани билан ички руҳий мувозанатнинг меъёрсизлиги ишга ҳам таъсир кўрсатади. Мен моҳир тикувчиларимни ўзим тайёрлаб, саралаб олганман, уларни йўқотишни истамайман. Яхши маҳсулот, бу яхши ходим дегани, буларсиз мен ҳеч ким эмасман.

– ОСТОНАДА ТУРГАН 2021 ЙИЛ АРАФАСИДА ҲАМ БИР ДУНЁ РЕЖАЛАРНИ ТУЗИБ ҚЎЙГАН- ДИРСИЗ...

– Бу бор гап. Мен ҳам дастлаб тадбиркорлигимни 45 нафар ишчи билан бошлаган бўлсам, бугунги кунда улар 100 дан ортиқ. Хорижлик ва маҳаллий ҳамкорларимизнинг талаби, буюртмасидан келиб чиқиб, яна шунча иш ўрни яратишни кўз-ляяпман.



лари ҳисобланади. Биргина мисол келтирай: йил бошидан бугунги кунгача 3,5 миллиард сўмлик маҳсулот сотишга эришдик. Шундан, 3 миллиардлик маҳсулот айнан экспортга йўналтирилди. Эришаётган ютуқларимизнинг асосий омили жамоамизда яратилган ҳамжиҳатлик ва ҳамкорлик деб биламан.

– ПАНДЕМИЯ СИЗГА НИМАЛАРНИ ЎРГАТДИ?

– Авваламбор, инсон биринчи навбатда саломатлигига эътиборли, соғлом турмуш тарзига қатъий риоя қилиши ва доимо ҳаракатда бўлиши кераклигини англаб етдик. Шунингдек, ҳар ким меҳрли ва муҳаббатли бўлиши, борини қардлаши, яқинларини, ҳамкасбларини асраб-авайлаши зарурлигини ҳам ўргатди менга.

қийналганда қўллаб-қувватлашга, қувончли кунларни биринчи бўлиб улар билан баҳам кўришга ҳаракат қиламан. Шунинг натижаси бўлса керакки, улар ҳам мен билан яқин сирдош. Жамоамнинг кайфиятини, ишга бўлган қизиқишини янада яхшилаш сифатида ҳар 10 иш кунда уларни моддий рағбатлантириб бораман.

Ишчи-ходимлар ишлаб турган жойидан нафақат даромад кўриши, балки, ўша ерда ўзининг керакли эканлигини юракдан ҳис қилиши керак. Рағбат эса иш самарадорлиги янада юқори бўлишига туртки беради. Сир эмас, бизнинг соҳада маҳсулот сифатли ва харидоргир бўлиши учун аввало чоклар текис ва тўғри бўлиши даркор. Энди тасаввур қилинг, уйда тинчи бўлмаган ёки фарзандининг мактабга кийиб бо-

Пандемия даврида оғир аҳволга тушиб қолган эҳтиёжманд ва ишсиз хотин-қизларни қўллаб-қувватлаш ва уларга имкон қадар ёрдам бериш мақсадида ўндан ортиқ аёлларни ишга олдик. Улар эндиликда доимий даромад манбаига ва иш жойига эга бўлди. Яқин кунларда “Аёллар дафтари”га киритилганларни ҳам қабул қилиш ҳаракатидамиз.

Яна бир катта мақсадларимдан бири, ҳозирги кунда ижарада фаолият олиб бораётганим сабаб, бўш ер олиб, барча қулайликларга эга, замон талабларига мос, қулай ва шинам янги ишлаб чиқариш биноси қуриш ва маҳсулот ҳажмини янада кенгайтириб, Европа давлатлари билан ҳам ҳамкорликни йўлга қўйиш.

“XXI asr” муҳбири
Нурхон ЭЛМИРЗАЕВА
суҳбатлашди

Меҳнат кодексининг 7-моддасига асосан мамлакатимизда мажбурий меҳнат, яъни бирон-бир жазони қўллаш билан таҳдид қилиш орқали (шу жумладан, меҳнат интизомини сақлаш воситаси тариқасида) иш бажаришга мажбурлаш тақиқланади. Президентимизнинг “Мажбурий меҳнатнинг ҳар қандай кўринишини ва барча шаклларига йўл қўймаслик ҳамда барча бўгин раҳбарларининг масъулиятини ошириш тўғрисида”ги фармони ва “Ўзбекистон Республикасида мажбурий меҳнатга барҳам беришга доир қўшимча чора-тадбирлар тўғрисида”ги қарорида ҳам фуқароларни мажбурий меҳнатга, шу жумладан, ҳудудларни ободонлаштириш ҳамда кўкаламзорлаштириш, мавсумий қишлоқ хўжалиги ва бошқа турдаги ишларга жалб қилиш ҳолатларини зудлик билан олдини олиш ва бунга чек қўйиш белгиланган.

Таъкидлаш жоиз, Ўзбекистон халқаро ташкилотлар томонидан мажбурий меҳнат қўлланиладиган давлатлар рўйхатига киритилган. Демак, ижтимоий тармоқларда бу мазмунда тарқалган ҳар бир хабар мамлакатимизнинг халқаро имижига пасайишига олиб келади.

Келинг, кези келганда оммавий ахборот воситалари ва ижтимоий тармоқларда

лан чиқариб ташлаб, бугунги кунда соя йўқ, деб ер чизиб туришибди. Энди ғўзанинг ичидаги соя тоннасини қаердан чиқаришади? Уларга сояни йўқотиб юборманглар дейилган, лекин юлиб ташлашган экан”. Ўз навбатида, Андижон вилояти ҳокимлиги Садбархон Мамитованинг ҳаракатларини муҳокама қилиб, унга огоҳлантириш берган...

Ҳамма қатори бизни ҳам

Меҳнат кодексининг 181-моддасида раҳбар ва ходимлар ўз иш фаолиятида камчилик ва хатоларга йўл қўйса, интизомий жазога тортилиши белгиланган. Яъни биринчи бериладиган ҳайфсан интизомий жазосидан ташқари ҳатто меҳнат шартномасини бекор қилиб ишдан бўшатишгача бўлган интизомий жазо қўллаш иш берувчи ваколатида.

Маълумки, Маъмурий жа-

ҳуқуқбузарлигига нисбатан қарор чиқариб судга юбориш, экинларни жойлаштиришда йўл қўйган хатоликларини эса кенг муҳокама этиш учун туман ҳокимлигига тақдимнома киритилди.

Маъмурий жавобгарлик тўғрисидаги кодекснинг 36-моддасига кўра, маъмурий жазо ҳуқуқбузарлик содир этилган кундан бошлаб, давом этаётган ҳуқуқбузарликлар учун эса, ҳуқуқбузарлик аниқланган кундан бошлаб бир йилдан кечиктирмай қўлланилиши мумкин. Жиноят ишини қўзғатиш рад этилган ёки жиноят иши тугатилган бўлса-ю, лекин ҳуқуқбузарнинг ҳаракатларида маъмурий ҳуқуқбузарлик аломатлари мавжуд бўлса, маъмурий жазо чораси жиноят иши қўзғатишни рад этиш ёки жиноят ишини тугатиш тўғрисида, агар ушбу модданинг

қилувчи органлар томонидан текширишлар ўтказиш жараёнида ҳамда судларда ишларни кўриб чиқишда ҳимоя қилиш ҳисобланади.

Бу борада тизимли ишлар ташкил этилган. Мисол учун, жорий йилда кенгаш судларга киритилган 3 122 та даво ариза қаноатлантирилиб, 172 234 миллион сўмни ундириш бўйича суд қарорлари қабул қилинди. 154 минг 564 миллион сўм маблағ фермер хўжаликлари фойдасига ундирилди.

Қарздор ташкилотларга ҳам 6 760 та талабнома киритилган, шундан 4 042 таси қаноатлантирилган. Натижада 116 654 миллион сўм фермер хўжаликлари ҳисобига ундирилган. Жорий йилнинг ўтган даврида фермер, деҳқон хўжаликлари ва томорқа ер эгаларининг 30 мингдан зиёд мурожаати ижобий ҳал қи-

Ҳоким фермерни ҳақорат қилса...

Дардини ким эшилтади?

қизғин муҳокамаларга сабаб бўлаётган айрим ҳолатлар ҳақида тўхталамиз. Хусусан, Хива тумани ҳокими Озод Матяқубовнинг йиғилишдаги кўпол муомаласи. Аниқланишича, воқеа 2018 йилнинг май ойида Дошёқ маданият саройида ҳоким раҳбарлигидаги қишлоқ хўжалигига бағишланган йиғилишда бўлиб ўтган. Ҳоким Озод Матяқубов туман қишлоқ хўжалиги бўлими бошлиғи Фулом Матяқубовни соҳадаги ишларнинг боришидаги камчиликлари ва топшириқларни бажармагани учун ҳақоратлаган. Фермерларни эмас!

Ёки Андижон вилояти Бўстон тумани ҳокими Садбархон Мамитованинг соя етиштириш ва уни йиғиб олишда сусткашлик қилаётган фермерларга нисбатан кўпол муомаласини олайлик. Туман ҳокими фермерлар билан соя топшириш бўйича ҳеч қандай шартнома қилинмаган бўлса-да, муҳокамалар жараёнида соя етиштириш билан боғлиқ режани бажармаган фермерларга 5 тоннадан маҳсулот топширмаса, ерини олиб қўйиш билан таҳдид қилган. Уларни “мараз”, “ифлос” дея ҳақоратлаган.

Садбархон Мамитова қуюшқондан чиқиши ҳақида “Kup.uz” муҳбирига изоҳ бераётиб, фермерларни айблаган: “Соя экиш бўйича режалар бор, лекин фермерлар пахта ичидаги сояни корчёвка қилиб, юлиб ташлашган, ҳолбуки, соя ҳосилини терибли олиш керак эди. Корчёвка би-

қизиқтирган яна бир ҳолат бор. Яъни Шодмонов номли массивда ўтказилган йиғилишда бу аудио ёзувни ким ёзиб олганини аниқлаш учун туман раҳбарлари – ҳоким, прокурор, ИИБ бошлиғи ҳар бир фермерни сўроққа тутган. Шундан сўнг улардан “аудиони мен тарқатмадим” деган мазмунда тушунтириш хатлари ёздириб олинган.

Бу – фермерларнинг ҳақ-ҳуқуқлари бузилгани билдиради. Чунки ушбу аудио ёзувни ким бажаргани аниқланса, учала раҳбар унга қандайдир чора кўрмоқчилиги ўз-ўзидан аён. Шу муносабат билан оммавий ахборот воситалари “Бош прокуратура бу ҳолатни қандай баҳолайди?” деб натижасини кутиб турибди. Шунингдек, “Фермерларнинг ҳақоратланиши билан боғлиқ бу вазиятга Ўзбекистон фермер, деҳқон хўжаликлари ва томорқа ер эгалари кенгаши қандай муносабат билдиради?” дея ҳақли савол қўйишмоқда.

Албатта, тарқатилган ушбу маълумотларни атрофлича ўргандик.

Маълум бўлдики, Бўстон туманида 108 та галла ва пахта етиштирувчи фермер хўжалигига 36,5 тонна соя ўсимлигини 500 гектар очиқ майдонга, 300 гектарини эса ғўза қатор орасига экиб, етиштириш тўғрисида оғзаки топшириқ берилган. Демак, туман ҳокимининг соя экинни экиш бўйича экинларни жойлаштириш тўғрисидаги қарори мавжуд эмас!



вобгарлик тўғрисидаги кодекснинг 41-моддаси (ҳақорат қилиш, яъни шахснинг шаъни ва кадр-қимматини қасддан камситиш) билан боғлиқ маъмурий ҳуқуқбузарлик содир этилганда жавобгарлик белгиланган. Туман ҳокими ҳокимият вакили ва мансабдор шахс бўлгани учун маъмурий жавобгарлик масаласи юзасидан қарор қабул қилиш прокуратура органларининг ваколатига киради.

Бўстон туман прокурори оммавий ахборот воситаларида чоп этилган танқидий мақолаларга нисбатан ўз вақтида прокурорлик назоратини қўллаш масаласини ҳал этиш ўрнига идорасига фермерларни чақириб, тазйиқ ўтказган. Туман прокурорининг ушбу хатти-ҳаракатига қонуний чоралар кўрилишига амалий ёрдам беришни сўраб вилоят прокурори номига хат киритилди.

Шунингдек, туман ҳокими содир этган маъмурий

биринчи қисмида назарда тутилган муддатлар ўтмаган бўлса, қарор қабул қилинган кундан эътиборан бир ойдан кечиктирмай қўлланилиши мумкин.

Ушбу кодекснинг 41-моддасига биноан, ҳақорат қилиш, яъни шахснинг шаъни ва кадр-қимматини қасддан камситиш – базавий ҳисоблаш миқдорининг йигирма бараваридан қирқ бараваригача миқдорда жарима солишга сабаб бўлади.

Ўзбекистон фермер, деҳқон хўжаликлари ва томорқа ер эгалари кенгашининг асосий вазифалари ва фаолият йўналишларидан бири фермер, деҳқон хўжаликлари ва томорқа ер эгаларининг ҳуқуқлари ва қонуний манфаатларини, шу жумладан, давлат ва хўжалик бошқаруви органлари, маҳаллий давлат ҳокимияти органлари, тайёрлов, таъминот ва хизмат кўрсатиш ташкилотлари билан муносабатларда, назорат

линди.

Шунингдек, қишлоқ хўжалиги экинлари экилишидан олдин фермер хўжаликларининг тайёрлов, таъминот ва маҳсулот етказиб берувчи ташкилотлар билан тузиладиган контрактация ва бошқа хўжалик шартномаларида Кенгаш ҳуқуқшунослари иштирок этади, хулоса беради, имзолайди ҳамда келишмовчиликларни бартараф этиб, туман қишлоқ хўжалиги бўлимларидан рўйхатдан ўтказилишини таъминлайди. Кўп тармоқли фермер хўжаликларини ривожлантириш дастурига кўра жорий йилда 10,1 мингта фермер хўжалигида қўшимча фаолият турлари йўлга қўйилди.

Умуман олганда, кенгаш фермер, деҳқон ва томорқа эгалари манфаатларини ҳар доим ҳимоя қилишга тайёр.

Соҳибжон ҲОТАМОВ,
Ўзбекистон фермер, деҳқон
хўжаликлари ва
томорқа ер эгалари кенгаши
ҳуқуқий бўлими бошлиғи

“Ўзбеккино” Миллий агентлигида “Инсон-киностудияси” томонидан суратга олинган “Маҳмудхўжа Бехбудий” бадиий фильми (сценарий муаллифлари Бақо Содиқов ва Улуғбек Содиқов, режиссёр Бақо Содиқов, иккинчи режиссёр Муаттар Мирражабова, постановкачи оператор Равшан Мусоев, картина директори Файзирахмон Усмонов) нинг ёпиқ премьераси бўлиб ўтди.

“Ўзбеккино” нинг муносиб тўхфаси


Премьера

Муаллим, ношир, драматург, диний ва сиёсий арбоб, журналист... Маҳмудхўжа Бехбудий ижодий фаолиятининг илдизи, яъни асл жадидларга хос маърифат тушунчаси ана шундай серқирра асосларга қурилгани билан қадрли эканлигини бугунги авлод онгига сингдириш осон кечмаслиги аён. Шу маънода “Ўзбеккино” Президентимизнинг Олий Мажлисиغا Мурожаатномасида фахр билан тилга олинган улуғ аллома ва жамоат арбобининг 145 йиллик таваллуд санасига ўзига хос совға ҳозирлади.

Улуғбек КАРИМОВ, филология фанлари доктори, профессор: “Ушбу фильмда улуғ жадид бобомизнинг маърифатпарварлиги, донишмандлиги имкон қадар очиб берилганига гувоҳ бўлдик. Яна бир қизиқ томони, 18 йил давомида машаққат билан ишланган кино, бугун яратилганида қандай маъно-мазмунга эга бўлар эди, деган савол мени ўйлантириб қўйди. Табиийки, ютуқлар билан бирга айрим тўлдирилмаган жиҳатлар ҳам борки, бу балки кейинроқ видеофильм қилиб ишланса, тузатилади. Асосийси, Бехбудий сиймосини маҳорат билан талқин этган актёр Фахриддин

Шамсиматовга ташаккур айтиш керак”.

Бахтиёр ЯКУБОВ, санъатшунослик бўйича фалсафа доктори (PhD), Ўзбекистон давлат санъат ва маданият институти доценти: “Савол қўйилди: бу кинога томошабин тушадими? Биламизки, фильмлар ҳар хил бўлади. Шу маънода “Маҳмудхўжа Бехбудий” бадиий фильмининг ўз мухлиси борлигини эътироф этиш жоиз деб ҳисоблайман. Энди, ушбу киноасарга келадиган бўлсак, жаҳон киноси тамойиллардан яхши фойдаланилган, айниқса, “Падаркуш”нинг саҳналаштириш жараёни киритилиши, иқтидорли актёрлар тандеми, безак-либослар, тил масаласи ва бошқа қатор омиллар борки, бу фильмининг муваффақиятларидир. Албатта, бу театр асари эмаски, осонгина тузатилса, менимча, сериал ишлаш жараёнида айрим камчиликлар барҳам топади. Яна битта мисол, кино бошида ёш, навқирон Бехбудий охирида оппоқ соқолли, нуроний сиймога айланиб қолиши сал галатиноқ. 44 ёшида қатл қилингани эслайлик. Бу каби фарқли жиҳатлар визуал санъат учун жуда муҳим саналади. Лекин ҳар қандай ҳолатда ҳам



фильм бугунги давр учун жуда фойдали”.

Шарофиддин ТўЛАГАНОВ, радиожурналист: “Фильмда большевикларнинг, Бухоро амирининг Маҳмудхўжа Бехбудийга бўлган муносабати очиб берилган. Шунингдек, шу кунгача деярли фильм қилинмаган Дукчи Эшон исёни, Қўқон мухторияти ва мухториятнинг йўқ қилиниши, мардикорлар кўзғолони ҳам ҳаққоний ёритилган. Умуман олганда бу фильмининг халқимиз кўриши керак. Хуло-

сани ўзлари беришади”.

Ҳаётининг сўнги нафасига қадар билим олиш ва янгилик излаш, ҳақиқат ва тараққиёт учун курашган Бехбудийнинг айрим ибратли ишларигина акс этган ушбу фильмининг яратилиши осон кечмаганлиги ҳақидаги хотиралар ҳар қандай мухлисни ўйга толдиради. Ёпиқ премьерадан сўнг олимлар, киношунос ва мутахассислар томонидан фикр-мулоҳазалар, мақтов ва эътирозлар ҳам билдирилди.

Энг қувонарли жиҳати шуки,

киноасардаги ролларни юксак маҳорат билан ижро этган Фахриддин Шамсиматов, Афзал Рафиқов, Яйра Абдуллаева, Обид Юнусов, Маҳмуд Исмоилов, Фурқат Файзиев, Саидкомил Умаров, Равшан Солиҳов, Убайдулло Омон ва бошқа актёрлар номлари самимий эътирофларга сазовор бўлди.

Жавҳарбек ҚОДИРОВ, Ўзбекистон давлат санъат ва маданият институти талабаси

Реклама ҳуқуқи асосида тайёрланди.

Таҳсин айтсак арзир сизга, бунёдкорлар!

Ҳеч шубҳасиз айтиш мумкинки, таълим-тарбия тизимини самарали ташкил этиш муассасаларда яратилган шарт-шароитга ҳам бевосита боғлиқ.

Ҳар томонлама қулай, шинам ўқув ва лаборатория хоналари, замонавий спорт зали ҳамда кенг, ёруғ кутубхонага эга мактабда таълим-тарбия олишни ким ҳам истамайди дейсиз!

Шароит яхшими, демак, муассаса, шартли равишда олсак, таълим сифатини таъминловчи ўн ютуқдан бирига эга. Шуни яхши англаган ҳолда юртимизда боғча ва мактаблар бунёд

этилмоқда, эскилари таъмирланиб, замонавий кўринишга келтирилмоқда.

Энди мисолларга тўхталсак. Мактабгача таълим вазирлиги ҳузуридаги “Инфратузилмани ривожлантириш бўйича инжиниринг компанияси”нинг Қорақалпоғистон Республикаси филиали буюртмаси асосида бунёд этилаётган муассасалар бирин-кетин фойдаланишга топширилмоқда. Масалан, Хўжайли туманининг Байтерек маҳалласи болажонлари мутлақо талабга жавоб бермайдиган бинода мактабга тайёрланишарди. Энди улар икки қаватли, 120 ўринга эга 9-МТТда таълим-тарбия олишни давом эттиради. Бу янги маскандаги ошхона, ўйин майдончалари ва ёзда салқин, қишда иссиқ гуруҳ хоналари кич-



кинтайлар ихтиёрида. 3 миллиард 200 миллион сўмлик ушбу лойиҳани амалга оширишда “Арал бўйи қурилишлари” МЧЖ ҳамда Султан Уснатдинов бошчилигидаги “Нукус айсан” МЧЖ қурилиш жамоаси жонбозлик кўрсатишди. Бу борада заҳматкаш бинокорларнинг меҳнатлари таҳсинга лойиқ.

Амударё туманининг Қипчақ маҳалласида ҳам янги 120 ўринли 20-мактабгача таълим ташкилоти барпо этилиб, фойдаланишга топширилди. Бу ерда озиқ-овқат захира-

си учун омбор, болалар айвончаси, мусиқа хонаси, эътиборлиси, ҳар бир гуруҳ хоналарида алоҳида ётоқхона ва машғулот хонаси мавжуд. Мазкур масканни юқори дид ва архитектура-қурилиш талаблари асосида тажрибали қурувчи Баҳодир Тўрабоев раҳбарлигидаги “Жумуртов тех таъмир сервис” МЧЖ аҳил жамоаси бунёд этишди.

Шунингдек, Қорақалпоғистонда таъмирталаб умумтаълим мактаблари реконструкция қилиниб, қўшимча ўқув бинолари қурилмоқда. Мисол

учун, Қўнғирот туманидаги 37-мактабнинг мавжуд биноси, спорт зали ва иситиш тизими таъмирланди. Ушбу юмушларни бажаришда моҳир қурувчи Бахтиёр Сметов раҳбарлигидаги “Чимбой иншоот” масъулияти чекланган жамиятининг бинокорлари ўз маҳоратларини кўрсатишди. Бундан ташқари, қурувчилар бу ерда қўшимча 540 ўринли ўқув биносини бунёд этишди.

Юнусали ОЧИЛДИЕВ, “XXI asr” мухбири



Боёвутлик Ражаб Раҳмонқулов машина оламан, бошқаларга ўхшаб тўй-маъракаларга ўзимнинг беминнат уловимда бориб келаман, деган ўйда кўп йиллар пул йиғди.

Раҳмонқуловнинг ҳуқуқ-тартибот идораларига ёзган аризаси Чилонзор туман ички ишлар бўлими терговчиси Бахтиёр Аҳмедовнинг қўлига тушади. Шу тариқа шикоят аризаси ўзининг

лар бемалол давру даврон суриб юрган бўлса?!” дея ёқа ушлаши тайин.

– “Мах мир авто” ҳисоб-рақамига ўтган йилнинг ноябрь ойида пул ўтказиб берган эдик, – дейди Қобил

ер участкамни сотиб бўл-саям пулларингни қайтариб бераман, дедим-ку!”, деган баҳоналарни қалаштиришдан умуман чарчамаяпти.

Кошки машинага пул тўплаш, маблағ йиғиш осон бўл-

Товламачилар тўри

ёхуд Тошкентдаги “Мах мир авто” компанияси раҳбарлари қачонгача мижозларни алдайди?

Далада тер тўқди, гўзага сув таради. Мол боқди. Ҳатто шу орада ноиложликдан хорижга чиқиб, ишлаб ҳам келди. Икки ўғли отасининг ёнида туриб, елкадош бўлиб, белларини маҳкам боғлаб ёрдамлашди.

Ва ниҳоят бу оила аъзоларининг ҳам қўли пул кўрди. Шу орада кенжа ўғли гап топиб келди: **“Тошкентда “Мах мир авто” деган ташкилот бор экан. 28 миллион сўм пулни олдиндан тўласак, уч ой ўтар-ўтмас янги “Дамас” бераркан. Қолган пулни уч йил ичида тўласак бўлди экан. Энг қулай томони, ойига атиги бир ярим фоизгина хизмат ҳақи олишармиш...”**

Ражаббой Раҳмонқулов бу хушxabарни эшитиб, роса қувонди, ҳатто тонг отишини интизорлик билан кутгани боис тузуккина ухломмади-ям. Эртаси куниёқ бир халта пулни кўтариб, Тошкентга отланди. Айтилган маблағ кассага топширилди. Қоп-қоп ваъдалар олинди. Бу янгиликни эшитган боёвутлик таниш-билишлар, кўни-қўшнилар табриклаб ҳам кетишди.

Орадан кунлар ўтди. Ҳафталар ойларга чўзилди. Уч ой қандай ўтганим билинмади. Лекин шартномада кўрсатилган “Дамас” курғурдан ҳамон дарак йўқ эди. Ражаббой ака пойтахтга дастлаб таксида қатнади. Пулининг чўғи пасайгач, автобусда бориб келаверди. Орадан олти ой ўтди. Янги автоулов минмоқчи бўлган Раҳмонқуловнинг кўнглига гулгула тушди. Қараса, бир ўзимас экан куйганлар, аксинча, “Мах мир авто” ҳовлисида кундан-кун норози бўлган одамларнинг сони ошиб борарди. Ражаббой Раҳмонқулов товламачилар тўрига тушганини сезиб қолгач, “Дамас” автомашинасидан кўнгил узиб, ўзи тўлаган пулни қандай



қилиб бўлмасин, қайтариб олиш пайига тушди. Буни қарангки, ёлғончининг минг битта баҳонаси тугамаскан. Унинг дардини тинглаган, илтимосини эшитган “Мах мир авто” раҳбари Мирсоат Эргашев ва бошқа ходимлар дастлаб ширин гапиришди, обдон унинг қўйини пуч ёнғоққа тўлдиришди. Эрта келинг, индин келинг, агар имкони бўлса бир ҳафтада бир келинг, деган ҳазилнамо ва охири ўртада аччиқ-тизиқ гаплар ҳам бўлиб ўтди.

Ражаббой Раҳмонқулов муросою мадордан бир иш чиқмаслигига, муроди ҳосил бўлмаслигига тўлиқ ишонгач, Тошкент шаҳар прокуратурасига шикоят аризаси билан мурожаат қилди. Шаҳар прокуратураси унинг аризасини Чилонзор туман прокурори, адлия маслаҳатчиси И. Бозоровга жўнатди. Чилонзор туман прокуратураси унинг шикоят аризасини туман ички ишлар органлари фаолиятини мувофиқлаштириш бошқармаси бошлиғи, подполковник И. Тиллаевга юборди.

Алал-оқибат боёвутлик

сўнги манзилига етиб келди. Шикоятчининг гапига қараганда, терговчи унинг кўнғироқларига умуман жавоб бермаган. Қолаверса, шикоятни ўрганиб, масала қай даражада ҳал бўлгани ҳақида жавоб ҳам қайтармаган. Биз Бахтиёр Аҳмедов билан телефон орқали боғланганимизда Боёвутга жавоб хати юборганини, унда Ражаббой Раҳмонқуловга маъмурий судга мурожаат қилиши лозимлиги ўқирганини айтди.

Ражаббой Раҳмонқуловга ўхшаган содда, ишонувчан кишилар кошки бир-икки нафар бўлса! Улар Қашқадарё ва Сурхондарё, Жиззаху Сирдарёда ҳам кўплаб топилади. Мана, мисол учун, ваъдабозларнинг қармоғига илинганлардан бири Бекобод туманида истиқомат қилувчи Қобил Умаралиев ҳам бир йилдан буён ё ваъда қилинган машинани, ёки ҳаппа-ҳалол меҳнат қилиб тўплаган пулини ололмай сарсон-саргардон юрганни эшитиб, “Наҳотки, шундай замонда ҳам кишиларнинг нонини туя қилиб берувчи-

Умаралиев. – Бизни алдашганига юз фоиз ишонгач, пулимизни қайтариб олмоқчи бўлдик. Аммо чучварани хом санаган эканмиз. Етти ойдан буён ҳисобимизга атиги бир миллион сўм ўтказиб беришди, холос.

– Қашқадарё вилоятининг Чирокчи туманидаги Бешчашма қишлоғиданмиз, – дейди Абдувоҳид Нурмонов деган мижоз. – Отам Тўра Эшбоев “Кобалт” автомашинаси учун 30 миллион 341 сўм тўлаган эди. Машина оладиган муддатимиз ўтиб кетгач, пулимизни қайтаришни талаб қила бошладик. Мирсоат Эргашев турли баҳоналарни рўкач қилиб, қонуний талабимизни бажармади. Президент порталига шикоят хати йўллаганимиздан кейингина беш миллион сўм пулимизни қайтарди...

Буёғи водийю воҳада на пулини, на шартномада кўрсатилган автоуловларини ололмаганлар сони кўпайгандан кўпайиб кетди. Аммо Мирсоат Эргашев: “Бунча бесабр бўлмасанглар. Сизларга шаҳардаги


са! Биз номларини тилга олган одамларнинг аксарияти қишлоқларда истиқомат қилади. Улар йиллар давомида емай-ичмай, тийинлаб пул тўплаган десак, фарзандларининг ризқини қийиб, маблағ жамғарган десак, на оширган, на тоширган бўламиз.

Буни қарангки, ёлғонни ямламай ютадиган “Мах мир авто” мутасаддилари шунча одамни қон қақшатгани етмагандек, кўрқмасдан Тошкентнинг Сирғали туманидаги машина бозорида, Бекобод шаҳри ва Ўзбекистоннинг бошқа кўплаб шаҳарларида ҳам кредитга машина олувчи лақма одамлардан аризалар қабул қиладиган манзиллар очиб ташлайверибди.

Тўғри, аввалига бўлиб-бўлиб тўлаш шарт билан кредитга олганлар орасида машинали бўлганлариям чиқди. Вақт ўтгани сайин Мирсоат Эргашев раҳбарлиги остида йиғилган ҳамтовоқлар товламачиликнинг ҳадисини олишди, шекилли, на давлатимиз қонунларини писанд қилишди, на соддадил одамларни эшитди. Мижозлар жаҳл отига миниб, ўз ҳаққини талаб қила бошласа, Мирсоат Эргашев заррача ҳайиқмай, қарши ҳужумга ўтиб, ўзининг ҳуқуқ-тартибот идораларида ишлайдиган таниш-билишлари номини сотишдан ҳам кўрқмаяпти.

Хўш, бу аянчли ҳолатга ким сўнги нуқтани қўяди? Наҳотки, битта тадбиркорлик билан шуғулланувчи ташкилот шунча одамни алдаб, пулини хомталаш қилиб, ялло қилиб юрса-ю, бирорта масъул идора уларга тегишли тартибда чора кўрмаса?

Алиқул ХОНИМҚУЛОВ,
Ўзбекистон
Республикасида хизмат
кўрсатган журналист



“Косон дон маҳсулотлари” АЖ

*Азиз юртошлар!
Эркин ва фаровон ҳаётиликнинг
лустаҳқали пойдевори –
Асосий қонунилик қабул қилинган
қун барчангизга қутлуғ бўлсин!
Яратганинг ўзи
юртиликни бало-қазолардан
асрасин, эзу ишлариликда
доимо мадақор
бўлсин!*



Хизматлар лицензияланган.



MUASSIS: TADBIRKORLAR VA ISHBILARMONLAR HARAKATI – O'ZBEKISTON LIBERAL-DEMOKRATIK PARTIYASI

XXI ASR
IJTIMOIY-SIYOSIY GAZETA
HAFTALIK NASHR

Бош муҳаррир
Норқобил ЖАЛИЛОВ

Тахрир хайъати:
Ақтам ХАЙТОВ
Дилшод ШОУМАРОВ
Шухрат БАФОВ
Мавлуда ХУЖАЕВА

Сирождин САЙИД
Аҳам ШОДМОНОВ
Виктор ПАК
Насимжон АЛИМОВ

Фаррух ЖАББОРОВ
Бош муҳаррир
ўринбосари

Тахририят манзили:
Тошкент шаҳри
Нукус кўчаси 73^а-уй.

электрон почта:
xxi_asr@mail.uz
xxi_asr@mail.ru

Телефонлар:
қабулхона – 71 215-63-80
(тел./факс).
Обуна ва реклама
бўлими – 71 255-68-50.

“XXI asr” ijtimoiy-siyosiy gazetasi
Ўзбекистон Матбуот ва ахборот
агентлигида 2011 йил 14 июнда 0009-рақами
билан рўйхатдан ўтказилган.

“Шарқ” нашриёт-матбаа акциядорлик
компанияси босмахонасида чоп этилди.

Корхона манзили:
Тошкент шаҳри Буюк Турон кўчаси 41-уй.
Газета офсет усулида, А-3 форматда
босилди. Ҳажми – 4 босма табоқ.
Буюртма рақами: Г – 1258 Тираж: 2445
Баҳоси келишилган нарҳда.
Топширилди – 19:50

Тахририятга келган қўлёзмалар тақриз
қилинмайди ва муаллифларга
қайтарилмайди.

© “XXI asr” дан олинган маълумотларга манба
сифатида газета номи кўрсатилиши шарт.

Муаллифлар фикри тахририят нуктаи
назаридан фарқ қилиши мумкин.

Газета тахририят компьютер марказида
терилди ҳамда дизайнер

Маъруфжон Раҳмонов
томонидан саҳифаланди.



НАШР КЎРСАТКИЧИ: 406
1 2 3 4 5 6

Навбатчи муҳаррир:
Беҳзод ИСРОИЛОВ.